



明詩綜卷六十一

小長蘆

朱彝尊

錄

錫山

秦祖然

韻評

錢士升一首

士升字抑之嘉善人萬曆丙辰賜進士第一累

官太子太保文淵閣大學士

靜志居詩話相君晚達爰立未久旋遂初衣薦丁亂離故其詩多鬱鬱

南園卽事

世情不到處獨寤寐歌時但有雲山入兼無樵牧知竹  
光虛牖白花氣雜林遲不覺斜陽下鄰家起晚炊

劉榮嗣

三首

明詩綜卷六十一

榮嗣字敬仲曲周人萬曆丙辰進士除戶部主

事調吏部歷郎中累官至工部尚書總督河道

有半舫集

敬仲詩源南音不類河北僖父用意冲遠自謂迴出時流德州盧世淮德水篤好之句詮字釋以為

獨絕唐人之鑄賈島宋人之宗涪州無以過也

詩話尚書銜命治河時駱馬湖潰連道填淤乃創挽河之議起宿遷至徐州別鑿新河分黃水注其中以通漕運計二百餘里費金錢五十萬

邳州上下悉河流故道濬之尺許皆沙掘之為河經宿沙落河坎復平迨引黃水入波流迅急衝沙而下往往成淤明年漕艘至駱馬河潰流

適平運丁惟願入瀛不願由新河尚書雖躬督之諭以軍法聞有入新河者舟輒膠於是南給事中曹景參上疏特糾落職提問下獄論辟獄未解而卒朝野之論以尚書河渠之任本非所長皆誤信門客之說用

違其才為可痛惜其後駱馬湖復潰舟行新河人頗稱便焉至其詩格卑耳未能遠與古人方駕

白石莊萬都尉園作

仙圃宜秋色相將戀夕曛松青新濯雨槐古舊侵雲竹

瀟池光合山樓石翠分鳳簫遺韻在擬向月中聞

題画 二首

老去登臨怯杖藤好山不上最高層疎松幾樹斜陽裏  
閒看巖前掃葉僧

灌木陰陰溪水斜溪頭鷗鷺浴晴沙春潮退後風生急  
魚網船梢挂落花

彭汝楠 一首

汝楠字伯棟莆田人萬曆丙辰進士除會稽知  
縣入為禮科給事中累官兵部左侍郎贈尚書

讀黃維章辯疏有感

聞道櫓槍未掩芒驚聞龍戰又玄黃赤眉豈遂移炎漢

明詩綜卷六十一

白馬還官鑒李唐君子獨為洵足恥黨人不與亦何妨  
聖明自是如天宥黽勉同心定我王

潘曾紘 二首

曾紘字昭度烏程人萬曆丙辰進士歷官僉都  
御史巡撫南贛崇禎中提兵入衛卒于軍有芳

蓀館遺藁

大柳驛守歲

古驛逢梅發荒邨帶柳斜雪明難入夜山霽易蒸霞碧  
篆消燈暈黃沙拂劔花男兒應有氣可復負年華

金陵感遇

花發垂垂歸興濃便教歸去若為容日邊潮合迷前浦

雨後烟開出數峰楊柳暗彫江岸笛松楸靜落寺樓鐘  
閏閏三月音書斷夢入燕關第幾重

申紹芳

一首

紹芳字維烈長洲人萬曆丙辰進士初任應天府學教授遷南京國子助教升禮部主事歷郎中調吏部出爲山東按察副使累官戶部右侍郎

郎

送張玉笥中丞進擢總河

玄圭初錫自宸衷四載勤勞特借公開府夙推真使相  
導河新命少司空舳艫風引桃花浪海甸雲興瓠子宮  
何獨甘棠思召伯轉輸專倚鄩侯功

明詩綜卷六十一

三

方大任

三首

大任字玉成一字逢吉桐城人萬曆丙辰進士  
除元城知縣擢廣西道御史天啓末魏璫營生  
壙僭侈踰制特疏糾之削籍崇禎初補官升僉  
都御史巡山海關尋以副都御史撫順矢有霞

起樓詩草

詠懷

三首

東髮慕奇癖讀書萬卷餘游思緬邈場削跡琴華塗舉  
世爭捷徑欣然笑其愚稟氣固已然改輒將焉如孔生  
恥溝壑原子安桑樞素志亮有託斯人豈盡迂掩耳謝  
時賢一心抱區區

徘徊芳塘上微風扇輕波連岡蔭青松仄徑冒綠莎是時秋正深秔稻蕃陂陀腰鎌朝出隴捆載夕歸家鳥雀啄場圃牛羊散巖阿曰余無立錐鼓腹行謳歌拾穗甌窶間一飽不願多嗟彼攘攘子鼎食終如何

孔雀游赤霄牛角何由觸麒麟可繫羈翻為犬羊辱伊余類窮猿投林不擇木悠悠長傷人顧影傷局趣百鍊忤時好繞指乖素欲犁鉏儻可給誓息西山麓

方孔炤

西漢

方孔炤字潛夫桐城人萬曆丙辰進士除嘉定州知州調福寧州入為兵部員外歷郎中魏忠賢欲兄子良卿為伯執不覆削籍歸崇禎初起尚

明詩綜卷六十一

四

寶卿以副都御史巡撫湖廣忤楊嗣昌坐兵敗繫獄嗣昌死屯撫河北卒門人私謚貞述先生新設屯田

廟議既不與屯田徒有名河北山東地水利難與爭當先布賞格有司乃奉行隱覈召民種亦須三年成吁嗟恐不及不如先議兵兵既不如議田亦何由耕

密議歎

楚人歌秦人舞櫛櫂衣傳兩杖鼓殿上伏機多危語密議知與外廷忤外廷不知乃連章以為朋黨飛嚴霜

謁方正學先生祠

鍾陵松柏對蒼蒼近代南山祀太常寧可紙灰埋十族

不將銘志屬三楊髡緇江上人何在縞素軍前獨發喪  
斷事只今依俎豆吾家書種託門牆

先五世祖諱法中洪武應天已卯出正學先生門爲

四川斷事聞靖難投江今補祀表忠祠

### 和客傳言

多選中涓辦隊裝明光甲片日爭光原來第一安邊策  
只在新開內教場

張瑋二首

瑋字韋玉武進人萬曆己未進士除戶部主事

歷兵部郎中出爲廣東僉事任至都察院協理院事左副都御史卒謚清惠有如此齋集

### 江行宿淺灘

明詩綜卷六十一

五

千里江流此一灣暮潮落盡柁師閒  
脩脩蒼荻鳴疎雨隱隱玄雲列遠山  
波靜自知憑岸穩官慵肯厭客塗艱  
朝來宴起迎新旭秋月秋風興不慳

嘿思仲先約過簷所茶山園以事不偕小詩代訊

一徑寒雲似練開茶烟起處小車來  
獨憐久病閒雙屐不踏孤山十畝苔

萬燦一首

燦字闇夫新建人萬曆丙辰進士除刑部主事

調工部歷屯田郎中首劾魏忠賢廷杖流血死

贈太嘗少卿追謚忠貞

詩話天啓中許魏燦慘死者先後一十七人萬公首受其禍公初任營繕主事轉屯田郎先管寶源局而陵工其職事也因內官監廢銅不發

疏言其姦謂忠賢珠玉盈笥金銀滿屋何欲不遂願此廢爛銅器無足入其目而必一手握定者其設心以爲不若是無以操天下之利權既操天下之利權不難攬天下之政權臣有以窺其微矣疏入矯旨於午門杖一百奪人數十輩蠢擁牽衣掉髮而前杖後伏小墻於闕下招擊錘判踰四旬而殞李忠毅上言曰燼死矣未報國恩先填溝壑六尺之孤繞膝八旬之母倚闈於櫺無歸游魂戀闕臣僚飲泣道路咨嗟然共知非出於陛下之心也臣不暇爲燼冤爲陛下待遷厚利也危言以招戮臣之名豈所以作忠勸士哉夫人臣緘口以待遷厚利也危言以招戮實禍也身死而天下悲其忠愍之名也傷殘父老之遺體以從寵此九京人非僕隸法非訊囚罪至死刑命非草芥廷杖之舉殊失士心直侯公論明而卹死錄孤嗟何及矣被旨以瀆擾誣責蓋自公死忠賢知外廷之無奈彼何由是鈞靈之獄興而縉紳之禍烈矣

### 登黃鶴樓

我欲乘黃鶴飄然物外遊檻前懷古淚且爲彌衡收

### 魏大中

二首

大中字孔時嘉善人萬曆丙辰進士授行人歷

明詩綜卷六十一

六

官吏科都給事中死奄禍贈太嘗寺卿謚忠節

有藏密齋集

詩話忠節骨鯁之臣然頗留心風雅里人王屋布衣能詩公見其賦秋蘭作爲之擊節植文會公曰孰爲賦秋蘭者起而復指之布衣感公之知公被逮日徒步送之境外揮淚而別

### 良鄉縣

彰義門西路桑乾古渡分長羈乘傳馬不斷出關軍沙  
白迷荒戍城黃壓暮雲車牛徵到骨募派底紛紛

### 息游

一夜秋聲萬木寒乾坤何處足彈冠時名盡向黃金起  
世事都堪白眼看已自故人嗟落魄更誰同病問加餐  
風塵伏枕衡門穩行路於今轉覺難

陳熙昌 一首

熙昌字

南海人萬曆丙辰進士除平湖知

縣擢吏科給事中

東湖雜詩

乍浦瀛壖曲遙連蘆瀝場迎船桑葉白繫纜菜花黃塔

影開初地鐘聲落上方孤城非鐵甕先事慎隄防

詩話乍浦孤城如彈丸倭寇入犯之衝經國者不置重兵於其地網終  
漏戶之謂向陳公作宰在太平之日先有隱憂矣予嘗過其地登湯山  
山崔嵬有塔寺僧持疏募重建子亟語縣令已之蓋  
洋船望見塔易指點入口之路不可不深慮也

朱泰禎

一首

泰禎字道子海鹽人萬曆丙辰進士除龍巖知

縣調漳浦選授福建道御史巡按雲南有遠人

明詩綜卷六十一

六下

樓詩集

睡鴨

綠萍掃罷柳梢齊疎雨斜陽思轉迷此際池塘眠正穩

風花吹夢過橋西

曹守勳

一首

守勳字熙載新蔡人萬曆丙辰進士知曹縣考

授浙江道御史出為陝西按察僉事歷陝西副

使

題韓淮陰釣臺

城陰片石俯淮流想象王孫此釣遊若問將臺何處所

未央宮殿總荒丘



李應昇一首

應昇字仲達江陰人萬曆丙辰進士除南康推官擢福建道御史死奄禍贈太僕寺卿諡忠毅

有落落齋集

詩話王紹徽撰東林點將錄阮大鍼名亦與焉大鍼初與李忠毅魏忠節相善及忠節補吏垣大鍼疑忠節有意逐之遂結傅櫬黨於魏監忠毅猶憶舊交貽之書云昔正叔子瞻一生樹敵到底同鑄黨籍之名若使蔡確之徒欲分收一人以去二君子必不願也可和可爭必不受小人之攀援斯君子之品乃見而大鍼既投瑞暮者已絕於諸君子矣及忠毅被逮於檻車賦詩云細數知交在逍遙各一方魏齊方睥睨阮籍亦猖狂形影悲相予昔書夢已荒古人不可作搔首問蒼蒼抑何其志厚之深也魏齊指昔熟魏浣初阮籍則指大鍼其後居南京諸生顧景等一百四十人草檄討之既而附馬士英得志吾之重翻三案誅鉅正人僉壬之反覆真同鬼域雖有詠懷堂詩吾不屑錄之也已

哭季弟

憶爾迎還懼悲歌分外深逐臣生死日歸老弟兄心慄

明詩綜卷六十一

七

慨歌聲發飛揚酒力任呼盧狂竟夕清夢到而今

黃尊素一首

尊素字貞長餘姚人萬曆丙辰進士除寧國推

官擢山東道御史削籍被逮死詔獄贈太僕寺

卿追諡忠端有集

楊維斗云先生沉慨孤直詩篇激而不傷

詩話忠端以考選入都時門戶紛爭多以挺擊紅丸移宮三案占人向背客問公以三案如何決擇公曰光宗棄羣臣久今上御極亦非一日三案皆往事恐朝廷所急不在此客無以難也又曰上未登極之先移官爲是御極之後安選侍爲是二者祇爭先後不分是非斯皆持平之論惟公之立朝不亢不阿專事補救令楊魏二公從之禍豈若是其酷乎崇禎初死奄禍諸臣止諡及高楊魏周四公論者多登姚文毅之過刻公與萬左素顧錄李及三周公久而易名諡法守禮執義曰端君子以爲宜文文肅作神道碑銘云於惟黃公屢求無方場號同志戒其用剛蓋得其實也

春日早行

抗旌經古道暝色未全分漸隱林間月微生海際雲輕  
陰開積翠細草落青芬誰破曠曠曉鳴禽客底聞

黃承昊

四首

承昊字履素秀水人萬曆丙辰進士除大理寺  
評事選吏科給事中歷刑戶工三科左右給事

出爲河南按察副使加參政轉福建按察使有

聞齋吟橐

陳仲醇云聞齋詩高華而不傷氣幽微而不損神流便而不降格李若實云聞齋風華婉面詩品在開元大

曆

閒居夜雨

二首

夜半瀟瀟竹輕寒枕上侵明朝無別事風雨不關心  
多少閒花草朝朝抱甕忙園丁今夜睡晏起亦何妨

明詩綜卷六十一

八

過長溝見蜀山湖荷花沿堤二十里有作

雲山渺渺水悠悠香滿長堤物外秋只少若邪溪上女  
乘潮一弄采蓮舟

塞上曲

鄉月多情伴我來沙場相對不勝哀明朝生死知何處  
且解征袍醉一回

索中道

五首

中道字小修公安人萬曆丙辰進士授徽州府  
教授遷國子博士升南京禮部主事歷郎中有

珂雪齋集

小修詩  
多有才多之患

詩話小修才遜中  
郎而過於伯氏

述別爲丘長孺

哀哀一孤鴻飛急向東邁傷哉金石交三載乃相會相  
會能幾何一見不復雙子尚滯西陵我遂往鑿江鑿江  
不忍別復有攝山行攝山不忍別遂子至冶城冶城不  
忍別十日淹江頭飲子清冷酒卧子木蘭舟酸心一夜  
風舉目三千路別矣可奈何含淚入城去

郢中送春曲

總以堂堂去何容緩緩歸隔溪鶯對語掠水燕雙飛野  
草香沾屐屐修篁翠濕衣山花一樹好游女摘來稀  
九日登中郎沙市宅上三層樓

滿眼傷心處誰能上此樓林烟迷蜀道帆影識吳舟硯

明詩綜卷六十

九

北人何在江南草又秋茱萸空到手欲插淚先流

七夕同彭長卿中郎

清談閒送可憐宵竹戶斜通宛轉橋白水青林秋澹澹  
好風涼月夜蕭蕭貧來野客傷時序老去詩人怨寂寥  
驚鳥不鳴更漏靜如聞銀浦弄輕潮

投贈太保蹇令公

三朝元老帝長城胸貯雄邊百萬兵太尉領軍陪漢相  
上公分陝護周京卿雲不散投戈色夜雨猶聞洗甲聲  
白袷青編無一事蕭然還是舊書生

彭汝諧二首

汝諧字原樂吳縣人萬曆丙辰進士有蔚菴逸

草

游桃源澗

碧澗山隈轉鳴泉樹杪懸桑麻綠屋宇雞犬隔人烟客  
避中峰雨僧安一宿禪桃花今又放相問世何年

從鄧尉山中還至虎山橋坐月

平林漠漠烟光齊花氣霏霏醉欲迷欵乃湖中小舟小  
蒼黃日下西山西寒鴉飛盡渚涯闊白苧歌殘月影低  
露冷露衣萬籟靜呬啞邨落催晨雞

沈德符 八首

德符字虎臣一字景倩秀水人萬曆戊午舉人

有清權堂集

自王季之學盛行吳越間學者捨其殘  
瀋相戒不讀唐以後書景倩獨近搜博覽其於兩

明詩綜卷六十一

十

宋以來史乘別集故家舊事往往能敷陳其本末疏通其端緒家世仕  
宦習聞國家掌故且及見嘉靖間名流遺獻講求故事網羅放失勒成  
一家之言惜其未就也其論詩宗尚皮陸及放翁與同時鍾譚之流聲  
氣雖合而格調迥別不為苟同陸叔皮云先生詩發端必密疊韻不  
匱不踐王季之迹亦不操王季之戈前無津筏之求後無瑕玷之慮蓋  
風人之流與朱雲子云虎臣大家然有流宕之句詩雖不必拘拘漢  
魏盛唐而醞藉之興淺俗渾雅之與猶鄙不可不辨也

詩話孝廉生夏異質日讀一寸書所獲萬曆野獲編事有左證論無編  
黨明代野史未有過焉者其詩寧取公安竟陵欲盡及歷下耶那之類  
故多豔字側辭雪颯濕碎未免病於才多也

秋暮咏懷

自歲電泡爾疇不慕長年究意命制之修短非我權玉  
局出從地玉棺墮自天大丹紫汞鍊神鼎白石煎尅日  
飛舉人不久歸重泉信哉服食誤以藥求神仙

人日

挑菜傳人日山邨樸未知雪深添酒券風橫緩燈期歲  
事因貧略春光遇閨遲梅園縱深閉宜賞寂寥時

送李元白都運之揚州

度支聖世借前籌誰似江淮地望優宰相杜棕充轉運  
司徒王導領揚州軍需西北勞臣勩民力東南國士憂  
輝饋古來功第一進賢何待鄂千秋

苦雨

物候違朝爽山容失夕佳陽烏三舍避黑蜩百靈差故  
恣商羊橫先收魃鬼埋犀顛無可漏牆壞不須排廢沼  
平多日新堤潰少厓衢高猶噉屐巷溢或通簞暫步擔  
菜遍徒行沒胥皆居如潛島嶼出似泛河淮耳欲生禾

明詩綜卷六十一

十一

穎塵難屑麥蘗浸畦浮菜甲墮坎沒松釵是埕俱鳴鶴  
無坳不產蛙飲泉偏沃剗升壁但資蝸穴牖呼鄰酒垂  
橈覓市鮭炊艱憎浙米薪濕喜枯芰圖史濡難展屏奩  
潤易措迂行甘躑躅愁坐廢詎俳護築宵加版存扉晝  
槿柴其魚興浩歎乃粒軫孤懷議禮應雲禱祈晴儻祀  
崇何時扇障日利屣上長街

邗城新曲

明月可憐宵曾聽教玉簫佳名二十四第一擣衣橋

天啓宮詞

三首

二廣雙甄陣脚牢御營日麗戰雲高封章臺瑣俱休進

萬乘臨戎正內操

自注唐以左右  
神策軍爲二廣

歲除舊例幸椒房中尉今宵別上觴角觝互呈宮漏短  
便陳庭燎御明堂

白驃唐代御玄宗踏後將軍始受封爭似生叨三品料  
驪駒賜號小烏龍

鄭士奇 一首

士奇字平子嘉興人萬曆戊午舉人署臨安儒  
學教諭遷知贛州興國縣以耳聾告歸有松牕

老人棗

釣臺懷古

擇地逃新室披裘對故人星原占是客帝豈得而臣瀝  
急迴潮信壇高費釣緝不知梅福女偕隱幾冬春

明詩綜卷六十一

十一

姚希孟

三首

希孟字孟長長洲人萬曆癸未進士改庶吉士

授簡討歷左贊善左諭德出爲南京少詹事贈

禮部右侍郎謚文毅有公槐響玉棘門沆漑秋

旻文遠循滄松瘦伽陵風吟等集

陳皇太子云先生詩  
春容雅麗有錦閣

度風

詩話逆案將定思陵發建祠稱頌諸疏申命內閣詳閱限以數日確議  
來奏輔臣難之求助於文毅文毅中夜不寐周步堂中其客周生進而  
問公公語之故生曰某於七年中逆知魏客之必敗以請附諸臣分  
其罪自謂無遁情公取而權衡之可乎公覽之擊節稱善次日進於  
臣皆以爲當據之入奏生吳汀人或以秀才永年安期或曰永年之弟  
永言安仁也爰書既定天下咸服凌遲處死者二人擬斬者二十五人  
充軍者十一人贖徒者一百三十一人冠帶開  
位者四十四人雖有漏網然吞舟之魚鮮矣

送齊越石守紹興

萬壑爭流處溪山屬劍東扁舟仍雪夜五馬自春風官舍朝嵐滿人烟夕照同蓬萊讓仙吏安坐翠微中

謁景皇帝陵

低回往事不堪陳誰抱遺弓泣紫宸遙共裕陵今夜月可憐邨邸故園春朔方老将黃沙苦西市尚書碧血新  
陟降在天應不遠蕭蕭松柏卧麒麟

秋感

秋容已到菊花枝閉戶蕭然誦楚詞憔悴江蘼人不見  
滿庭涼月照相思

顧錫疇一首

錫疇字九疇崑山人萬曆己未進士改庶吉士

明詩綜卷六十一

十三

授簡討天啓中削籍崇禎初以原官起用歷贊善諭德掌司經局遷國子祭酒假歸補少詹事  
起禮部左侍郎升尚書有握日草

詩話

詩話建文四年事蹟革除之後文獻俱不足徵相傳長陵用王景議葬

以天子之禮然鍾山之麓一坏安在祀典無聞則其說妄也其曰葬之西山既不封不樹矣安得又表曰天下大師之塔要其說更妄也自弘治中禮部主事楊循吉首請詎諱建文君隆慶初東莞布衣譚清海請  
覆革除年號告之萬廟而追上建文君謚萬曆中通政使沈于木國子  
司業王祖嫡禮部尚書范謙給事中張國維禮部侍郎呂維祺給事中沈

曾培駙馬都尉華永固而棄郵之典久而未舉迨顧公典禮容臺始定  
議建文君謚曰嗣天章道誠懿淵恭觀文揚武克仁篤孝讓皇帝廟號  
惠宗馬后曰孝慈溫仁貞哲睿肅烈襄天弼聖讓皇后尋追贈死節

諸臣子謚贈太師者文學博士方孝孺魏國公徐輝祖贈太子太  
尚書鐵鉉禮部尚書陳迪刑部尚書孫昭御史茅大方贈刑部尚書者  
保者禮部侍中黃觀戶部侍郎卓欽副都御史茅大方贈刑部尚書者  
大理少卿胡閔贈詹事者衡府紀善周是修贈禮部侍郎者翰林修撰  
王叔英贈副都御史者浙江按察使王良贈太常卿者刑科給事中黃  
鉞贈太僕卿者御史高翔曾鳳韶蘇州知府姚善贈太僕少卿者知沛

縣事顏伯璋贈大理少卿者谷府長史劉瑛贈翰林待詔者金川門平  
龔翊及伯璋子有為贈禮部員外郎者濟陽儒學教諭王省贈平陽伯  
者都指揮瞿能贈合山伯者都指揮朱鑑贈指揮使者燕山衛卒儲福  
謚文正者方孝孺謚文貞者黃觀謚文忠者王叔英謚忠襄者鐵鉉謚  
忠烈者陳迪胡閔景清謚忠貞者練子寧卓敬徐輝祖謚忠毅者曹鳳  
韶王良謚忠獻者黃鐵謚忠惠者姚善顏伯璋謚忠隱者茅大方高翔  
謚忠義者儲福謚貞毅者周是修謚貞烈者王省謚剛烈者暴昭謚剛  
節者劉璟謚襄烈者瞿能謚壯烈者朱鑑謚安節者龔翊謚孝節者顏  
有為以上公論文乎此外得謚者又五十二人曰節愍齊泰黃子澄張  
昂盧原質恭福也曰介愍胡子昭也曰忠愍俞逢辰也曰直愍宋徵也  
曰肅愍周璿也曰貞愍鄒璋譚璽石楨陳思賢也曰穆愍陳彥回林嘉  
猷也曰襄愍王度也曰果愍邊昇葛誠也曰翼愍金有聲也曰莊愍樊  
士信張彥方也曰忠莊王彬也曰惠莊向朴也曰貞莊鄭華也曰毅節  
林英也曰莊節周季瑜也曰惠節鄭恕也曰義節唐子清也曰忠節陳  
性善也曰忠介程本立也曰莊介韓永也曰忠毅高巍也曰清毅郭侯  
也曰毅直戴冕魏冕巨敬也曰端直程通也曰貞直杜奇也曰忠貞侯  
泰也曰貞勤謝昇也曰貞確徐子權也曰貞達盧迴也曰貞穆林右也  
曰貞定甘霖丁恂方也曰剛烈連極也曰端果龔泰也曰莊景陳繼之  
也曰果義黃謙也曰文忠陳忠也其中不可謂顯公無卓識也首陳其  
之紀述然如梁田王史仲彬輩不與則不可謂顯公無卓識也首陳其  
說者萬公元吉佐其事者李清惟是吾鄉高大嘗孫志節典關焉後  
之君子歎其實而損益之可矣顧公致仕歸晚入閩道出溫州為悍帥

明詩綜卷六十一

所載詩平流傳  
錄其題扇一絕

西湖

臨安宋故都荷花仍十里際曉湖光平鷓鴣鳴不已

侯恪 二首

恪字若樸商丘人萬曆丙辰中會試己未殿試  
進士出身改庶吉士授簡討削籍崇禎初起右  
中允歷諭德庶子出為南國子祭酒有遂園詩

集

詩話侯公以史官東南董之筆為逆奪所惡晚又忤烏程移留都洵古  
之遺直也詩以大雅自命嘗言詩自三百篇後存亡者三漢魏存矣六  
朝亡也唐存矣五代宋元亡也國朝正嘉存矣今亡也其持論  
深惡新體伸北地信陽而抑嘉靖七子九痛詆公安竟陵流派云

感時和張叔載



傷心日日賦登樓聽爾哀歌續四愁欲向風塵歸故里  
不堪戎馬暗神州金錢歲入渾難計鎖鑰朝傳尚有求  
辛苦先朝張相國于今零落楚江秋

送陳集生使南海

鳳闕春深柳乍齊王孫臺畔草萋萋看君絳節天南去  
驛路晴花送馬蹄

丁乾學一首

乾學字天行宛平人萬曆己未進士改庶吉士  
除簡討天啓中落職有擁膝齋集

送劉太史使朝鮮

漢殿遙齋詔一函香爐特許換朝衫天邊築館迎龍節

明詩綜卷六十一

十五

海上吹鏡遁鷺帆問俗朱蒙時已改探奇暘谷日應銜  
歸來擬得殊方志天外河流海外巖

陳萬言四首

萬言字居一秀水人萬曆己未進士改庶吉士

有鉞園集

出門

出門澹無營閒步郭北隅四野一何曠仰見秋雲徂微  
風動蕭林殘暉息遠墟忽然霞氣新散綺照輕裾高歌  
以忘憂薄言返故廬

苦雨

四月靈霖降五月不可遏祝融正司方雨師乃攘奪晴

雲乍卷舒倏忽變陰靄飛瀑寫層簷散絲起跳沫殷殷  
雷轟車熒熒電排闥欹枕不成寐但聞鄰語聒晨起問  
農事何以曳屨鞞呼童渡郊西爲我鼓雙轆推蓬瞰四  
野洪水勢方割蛟龍成一氣桑海莽空闊田疇盡淪  
槽巢倚木末門吏追逋錢入室尚呼喝枵腹不能對相  
向蹙眉頰此意隔九關圖繪難具達安得沉石犀永使  
洪濤闕

逢萌祠

炎精熄中葉閏位爭美新黃龍德有悔賢哲甘沉淪感  
茲三綱絕大義疇能伸鴻飛貴先時冥冥謝弋人解冠  
挂東都盡室逐海濱同時景明哲亦有梅子真寧爲吳

明詩餘卷六上

十六

門卒恥作禿髮臣二子不可作誰其嗣清塵

長夏憩澹止園

辭家謝塵慮結意在巖壑登高畏炎蒸園林寄幽託澄  
湖逼遙岑仁智均所樂入徑參茂松環洲雜芳若灌木  
挺喬棘疎篁解新箨中有百尺樓凭虛陰寥廓青山四  
壁垂雲氣屢迴薄朝汲葛翁水夕放支公鶴披襟步湖  
渚飄風散花萼消暑蕩蘭柅迎涼啓羅箔清宵寂無人  
倚石縱壘礪歸偃北牕隅三五映籬落覽化得沉冥感  
遇任離索物理本如此俯仰亦何忤

吳麟瑞 二首

麟瑞字思王海鹽人萬曆己未進士除常州推

官徵授南京禮部主事轉吏部進郎中升湖廣參政歷江西副使按察使右布政使以僉都御史撫偏沅有哀鴻秋蟀諸集

除夕

歲盡愁無盡殘鐘客思微一官滄海遠萬里白登圍越鳥栖初定燕雲信轉稀枕戈空待曉無術報宵衣

長安春興

塵封官柳眼猶迷黃鳥吞聲不肯啼二月羽書淹塞草十年馬足負香泥長纓有策終難請短札多愁未易題忽憶孤山此時節亂堆雪片斷橋西

玄默一首

明詩綜卷六十一

十七

默字會一靜海人萬曆己未進士除懷慶推官擢吏科給事中歷戶科都給事升太嘗少卿以都御史巡撫河南

泥溝驛

寒雲漠漠月初彎邨舍無人戶早關十二樓中愁積雪不知人在賀蘭山

李吳滋一首

吳滋字如穀吳縣人萬曆己未進士知崇安德清龍溪三縣遷南刑部主事歷郎中出知寶慶武昌二府升湖廣按察副使有鳳樓閣詩集

送曹安祖假歸

陶然共事白雲司幾度追隨笑語時年齒偶成一日長  
禪心同對十門師每分陽羨驚雷策迭和青谿踏雪詩  
君去冷曹方是冷閒居賦就寄無遲

高道素

九首

道素初名斗光字明水一字如晦更字玄期嘉

興人萬曆己未進士除工部主事歷郎中以督

造桂府殿傾論死有景玄堂詩集

工部詩文陶治情性不事

劉賊故能秀出天外 陳元孝玄屯田詩後 遠朗徹 顧茂倫云先生五律清真卷雅

詩話水部才思兼久不以格律自拘古今詩皆超詣五律尤為長城當 桂藩分建奉命將作南方卑濕薄植甫新大瑞喪事丹墀水部力爭不

得既而雷震柱傾吏議周 內遂羅顯戮聞者寃之

黃奇兗州道中寄內

明詩綜卷五十一

七

黃沙蔽天氣白日無晶光寒雲何蕭條四野青茫茫驚  
颺激車輪我馬亦玄黃憶昔出門去臨別重徬徨九月  
無裳衣五月無糗糧酸辛各自愛努力願相望悠悠二  
千里安得到汝旁中宵不能寐輾轉心憂傷

臨淮秋夜

鳴橈伐鼓漾回波美酒千鍾開權歌秦箏甫傳越謳發  
落日微風雙翠蛾芳年易盡瑤華晚白日朱顏愁不返  
橫笛他鄉未忍聞空齋獨坐成長歎

秋日寄沈無回

涼風起庭際簾幕迴秋陰一葉空階落孤燈獨坐深芙  
蓉思遠道蟋蟀動愁吟誰念閒居客能傷遲暮心

鍾廣漢云似高

業子

雪夜渡鎮江

江水寒猶激方舟夜未央驚濤沉鐵甕急雪下丹陽獨

坐親孤燭商歌送羽觴白門遙在望葭菼鬱蒼蒼鍾廣漢云似徐

穀昌

過清流關

設險何年事登臨四望賒天門閒虎豹地軸轉龍蛇王

氣粉榆社風烟博浪沙棄繻關下客懷古一長嗟鍾廣漢云似蔣

雲子

阻雨彭城驛寄懷李九疑禮部

乍失河陰樹難分淮泗山寒烟原上白秋葉雨中斑鄉

明詩綜卷六十一

十九

夢深宵斷琴聲永日閒遙憐和歌客相憶渺江關鍾廣漢云似邊

實庭

湘江旅懷

北渚初涼夕蕭條兩岸風烟波連漢口雲樹出湘中碧

草王孫路黃陵帝子宮此時愁欲絕不待暮潮東鍾廣漢云似何

默侍

衡嶺半山亭遠望

五嶺宗南嶽羣峰冠祝融路從山半合亭對海門空岫

嘍豐碑蝕瀟湘極浦通冷風如可御吾欲問鴻濛鍾廣漢云似王

欽雅

題真空寺壁

真空寺後雙松樹曾見先皇駐蹕初三讓豈宜車便殿  
百年猶共識遺墟離筵慣聽悲歌續佛火偏存浩劫餘  
高坐道人無恙在願聞第一義何如南京帳中出  
馬任遠一首

任遠字毅仲永年人萬曆己未進士除知葉縣  
歷官戶部員外郎

抵蘇州

酒醒夢斷旅帆孤遠岸晴波戲浴鳧橋過橫塘聞犬吠  
綠楊影裏是姑蘇

徐伯徵一首

伯徵字孺臺海寧人萬曆己未進士除南陽推

明詩歸卷六十一

官尋改教授升工部主事歷郎中出知揚州府

有資敬堂詩集

孤山

為訪幽人跡乘茲暇日遊墓門無塑鶴山寺失安榴徑  
愛烟霞夕屏開水墨秋要知白太傅到此也勾留

葉憲祖一首

憲祖字美度餘姚人萬曆己未進士除新會知

縣考選左遷大理評事轉工部主事坐建魏璫

祠不肯督工削籍崇禎初起南京刑部郎中出

為湖廣按察副使歷官廣西按察使

江行

香靄中流二水分人傳此地弔湘君南天漸隱巴陵樹  
西塞猶飛夢澤雲傍晚魚龍常涌沫渴不鳧鴈自呼羣  
年來已覺風波慣枕上漁榔處處聞

陸懷玉 一首

懷玉字石含平湖人萬曆己未進士授工部主  
事歷員外郎中出知鎮江府遷湖廣按察副使  
轉參政山東按察使福建右布政使

也園

種藥雲根已十年小園獨寤思悠然豈無幽徑通韋曲  
亦有連山象輞川半砌苔衣清似水一池花石小于錢  
歸來便是西疇長晚稻秋香滿社田

明詩綜卷六十一

三

明詩綜卷六十一

少園

轉參政山東按察使

陸懷玉字石含平湖人萬曆己未進士授工部主

事歷員外郎中出知鎮江府遷湖廣按察副使

也園

種藥雲根已十年小園獨寤思悠然豈無幽徑通韋曲

亦有連山象輞川半砌苔衣清似水一池花石小于錢

歸來便是西疇長晚稻秋香滿社田

明詩綜卷六十二

小長蘆 朱彝尊 錄

桐鄉 金 樟 緝評

艾 穆 七首

穆字和甫一字純卿岳州平江人嘉靖中舉人

初仕為國子監助教萬曆初遷刑部主事歷員

外郎抗疏論張居正奪情廷杖遣戍西寧久之

起補光祿少卿轉鴻臚寺卿再轉太僕寺卿以

都察院右僉都御史巡撫四川有終太山人集

靜志居詩話文公與吾鄉沈純甫先生同論江陵奪情其論成一西一

南文公出都詩云病向西風一促裝寒冱征鴈寒雲長流沙萬里無愁

遠去國孤蹤信若狂楚客江魚身可葬漢臣馬革骨猶香青山到處皆

吾土豈必湖南是故鄉是亦達人之言西竄之後詩律頗效空同自公

明詩綜卷六十二

而後南風  
多死聲矣

聞有救獲救不果

十年不向湘江返一疏翻為萬里行隴外儘令魑魅喜

日邊應有鳳皇鳴極知故態仍狂瞽須信天王自聖明

閒却綵衣誰為著塞雲邊月不勝情

甘泉塞上呈中丞侯公

青海灣頭調角聲賢王西牧欲橫行戎心縱款猶難測

斥埃無烽却不驚破膽爭傳司馬諭受降高築白狼城

虜儒未識麒麟画只道風塵易請纓

奉和岳州張兵備

握蘭虎署為郎日意氣相看獨有君擊節幾談天下事



建旄今領水犀軍幕中說劍雙龍動樓上停雲七澤分  
秋色滿湖吟眺足銀魚何苦碧山焚

寄呈乾菴馬公拜相

繡裳蒼玉自丹霄風采今看表百僚帝謂山龍惟爾補  
人期霖雨幾時調鳳池魚藻歡應合鴈塞狼烟燼盡消  
流落扶風門下士玉關猶得比班超

辛亥別羅孝廉

江城傾蓋識清狂意氣翩然調更長歌罷竹枝空下里  
賦成雲雨滿高唐蜀門秋盡啼猿急涪渚霜清白鴈翔  
後夜思君出巫峽楚山巴月共蒼蒼

寄懷沈純甫戊金沙

明詩綜卷六十一

二

衡陽那見鴈飛回庾嶺梅花幾度開謫後沈郎應更瘦  
調同楚客不勝哀金沙潮落珠光動銅柱風清海月來  
君在瘴鄉偏逸興新詩能爲故人裁

遼東大捷進臺駝志喜

年來渤海不揚波忽聽遼陽奏凱歌白羽飛傳三箭捷  
赤囊馳獻獨峰駝將軍絕勝嫖姚勇良馬何論大宛多  
此日天聲應萬里合標銅柱白狼河

瞿汝稷一首

汝稷字元立嘗熟人景淳子承父蔭由五府屬

歷郎署知黃州邵武辰州三府遷長蘆都轉運

使加太僕少卿致仕有問卿集

曹能始立問卿詩沿遂  
體律絕步超唐人斐然

送僧游五臺

欲叩三車奧，還過五髻西。飛雲先錫住，怖鶴覓燈棲。金閣看長在，珠林望不迷。天花開處處，知與石牀齊。

屠本峻一首

本峻字田叔，鄞人。尚書大山子承廕，官太嘗寺典簿，歷南禮部郎中，出為兩淮運司同知，移福建運使。有屠田叔詩草。

詩話田叔好談諧，詩多不拘格律，晚節歸田，憂容益甚，豈政諱果，饒客必盡歡守辰州，日禁民殺牛，有唐生，隸言家貧，畜一牛，不幸死，請需，其肉田叔度其偽也，判以俸錢買牛，葬之，卒至乃生牛，因命小史飯之，及解官衣，深衣騎馬出，門州父老沙相送，牽牛隨其後，時人為作辰陽留犢圖，年既老，好學不倦，或曰先生老矣，奚自苦為，荅曰吾於書，飢以當食，渴以當飲，大伸以當枕，席愁寂以當鼓，吹未嘗苦也，因自稱愁先生。

明詩綜卷六十二

亦曰幽叟，起生號于甫，上撰狀及末年八十餘，乃卒。至今甬東言風流儒雅，無不首及之。

燕歌行

登君果，罌藻井之堂。坐君龍鬚琥珀之牀，贈君五明七寶之扇。酌君紫霞碧玉之漿，烹鮮擊肥，召吾客。秦箏趙瑟鳴，我旁。世上浮名亦徒爾，安有五侯七貴能文章。勸君無言舌且藏。

毛以烽二首

以烽字允奎，吳江人。萬曆中舉於鄉，歷官慶遠知府，進按察副使，致仕。有審雨齋詩豪。

邨居

丘壑偏宜謝，幼輿清泉碧。篠愛吾廬，祇知幽絕堪高枕。

未解窮愁好著書閒過山僧煮笋蕨倦從野老課藟會  
陽流水荆扉靜花滿清尊月滿裾

山陰王伯良久滯京師却寄

蛾眉十樣逐時新不是東鄰亦效顰况是浣紗溪上客  
那能不憶浣紗人

吳詔相一首

詔相字廷承宣城人由舉人萬曆初知汝州有

吳汝州集

詩話臨川湯養仍爲廷承作傳述其生而不慧既就塾日記千言縣試  
令訝其幼謂曰童子豈外黃兒邪應聲答曰明府比中年令矣令球然  
異之廷承嘗夢紫衣人指點一闕道中松柏蔥青數里及知汝州果有  
闕道松林中歎曰命止此邪因懽於治事未幾滿稱病瘡去歸見其母  
抱持大哭失聲疾遂愈丁母憂未終喪而卒  
存詩雖無幾近年編續宛雅者竟遺之惜也

明詩綜卷六十二

四

同張侍御有光汎舟分韻

桂櫂連朝發松雲卓午陰涼風轉蕭瑟細雨潤衣襟歌  
酒狂無奈耕畝思更深晚來餘興在不厭再相尋

費懋謙一首

懋謙字民益鉛山人襲廕官南京都察院經歷

詩話民益襲廕子弟紳有詩名兼善山水梅竹  
青溪社集實首倡之相逢一篇源出蘇欽揚方

相逢行別吳中四子

與君相逢處乃在青溪濱何意溪頭柳能令傷客神與  
君相逢處乃在邀笛閣何意笛中曲能令心不樂與君  
相逢處乃在射堂上何意堂前月勞勞生夢想與君相  
逢處乃在冶城宮何意冶中劍飛躍各西東我昔承清

盼君亦憐我姿願以朱絲絃報君青桐枝終日不成縷  
對君空自持願以江干蒹報君蘭蕙芳終日不成菊對  
君空自將願以青玉盃報君金琅玕終日不成珠對君  
倚長歎願以錦繡段報君貂襜褕終日不成章對君長  
煩紆贈君愛流晷我亦慎區區所貴各努力聚散誰能  
無中情既款款徒倚亦何須古人皓首言君諒我不殊  
王敬臣 三首

敬臣字以道長洲人參政庭子講學於吳以薦  
授國子監博士學者稱少湖先生有俟後編附

詩

詩話博士講學不立異同以躬行為本  
詩其餘事務去擊壤陳言更難得也

明詩錄卷六十一

古詩送陳憲副雨泉之任滇南

黃鵠翔四海潛蚪樂泥蟠飛沉各異塗言就性所安公  
行越萬里子留守故灘公勵王尊節九折驅無難子舍  
令伯誠有懷良未殫俱奮古人心咸思效寸丹臨岐申  
贈言睽離何足歎相期慎明德歲晚同金蘭

感興 二首

河伯侈秋水豈囂自矜誇一聞海若言頽然喪其多覆  
載會有終百年能幾何營營靡朝夕所得皆塵沙哀哉  
復哀哉是不可已邪

月圓還復缺缺矣又重圓圓缺相倚伏造化良自然萬  
事皆如此孰能測其端君子通大道曠然釋嬰纏寸心

良已罄付之蒼旻天

莫是龍

六首

是龍字雲卿以字行更字廷韓松江華亭人如  
忠子以諸生久次貢入國學有莫廷韓遺橐

唐君

公云廷韓夙成捷悟

不屑爲沉深之思

詩話廷韓少謬王道思於閩道思贈以詩云面筋夜吟令客

駐練袁晝附有人書然詩篇書法皆不見出羣五律稍勝

### 登潤州城樓

高閣俯城陰松篁一徑深晴雲搖海色夕梵起潮音古  
戍關門斷山程驛道侵江流無日夜南望是鄉心

### 過滕縣

邑傳滕子舊爵序薛侯先壤地雖褊小君臣自井田禮

猶宗國秉館想上宮連遺恨千年事何勞授楚廬

明詩綜卷六十二

六

### 送俞生之金陵

驅馬向斜日秣陵尋舊游人應草堂在月滿大江流春  
燕投新社離鴻失故洲看君留別意不減落花愁

### 送陸生遊燕

小陸江東俊名先入洛聞猶能藉知己未可怨離羣燕  
地春邊雪吳天野外雲翩翩徒羨爾西笑立斜曛

### 宿河口酒家

笑指停橈處烟荒一水斜邨旗招野客岸火認漁家淡  
月微侵幕初潮淺映沙海天應不遠吾欲訪靄槎

### 贈任城故知

此別何疎闊風烟宛昔游馬頭芳草路柳外木蘭舟易  
隔三年夢難期十日留任城今夜月閒殺酒人樓

鄔佐卿一首

佐卿字汝翼丹徒人有纏頭集

調豔詩自義山之後不

多見

西津別妓

立馬江皋問暮潮片帆西上路迢迢人歸碧草離亭遠

賦罷青山夢雨消雲影飄零桃葉渡月華淒斷鳳皇簫

爐頭濁酒春堪醉還訪秦淮舊板橋

甯祖武二首

祖武字仲先吳江人以貢生官肇慶通判有迂

明詩綜卷六十二

七

公詩草

詩話別駕未晚投簪娛情泉石預營圃至自為之銘號曰丘丘嘗欲買木版以覆廬凡思送死棺所必需匠人告以元日往購則木商不計值且有酒果相邀別駕遂以是日就肆飲酒罇米而回鋸木以覆几焉題詩云元日治凶具人情良獨難生以覆几塵死伴歸空山是亦達人之高致矣別駕詩多率易錄其二首知非真迂者

新安夜泊

芳草綠如此征塗尚未窮隔江商店火近市酒旗風人

語邨邨異溪聲處處同不須愁落魄人世總飄蓬

吳江竹枝詞

唐家坊藕太湖瓜消暑水肌透碧紗水上納涼何處好

垂虹亭子看荷花

陶允嘉三首

允嘉字幼美會稽人承父大順蔭官鳳陽通判  
有澤農吟

廣陵詞

詩話幼美體弱然無塵全之氣符離懷古一篇惜不令淳熙諸君子見之

桃花新雨後載月出邗溝棗板江南曲筠簾擗子舟飛  
飛雙燕子何處覓迷樓

符離懷古

張都護殺曲端關中將士皆心寒秦丞相殺岳飛萬里  
長城一旦墮婁室歡顏兀兀喜小朝廷復何恃長脚太  
師吾何尤魏公九原知悔不

高邨謁漢高皇廟

明詩綜卷十三

八

高邨湯沐地下馬獨徘徊落日吹原廟歌風想舊臺新  
豐雞犬去故土夢魂來猛士空煩憶韓彭安在哉

黃繼立一首

繼立字志學江陰人貢入太學官中書舍人

初夏

楊花初點渡頭萍十姊妹花紅滿屏門前忽見漁舟過  
風送鷓鴣一陣腥

任山甫一首

山甫字夢榛休寧人自號五安山人承天府經  
歷遷德安通判

和費民益韻

萬里專行役經年往復還愁多生白髮病久改朱顏不  
厭沽新釀長思返舊山因君歎留滯牕外雨潺潺

龔 昺 一首

龔字懋御章丘人以歲貢生官江都訓導轉威  
縣教諭再遷開平衛教授有龔懋御集

立秋

詩話懋御少貧牧羊羊山中手書卷不釋詎而小吏誣其通租受答益  
發憤力學見李中麓以詞曲名恥之銳意學古文辭時稱為醇謹君子

烟雲黯慘仲宣樓荏苒年華逝水流白首鄉山千里外  
滿城風雨又新秋

黃 時 二首

時休寧人縣丞有順堂集

明詩綜卷二十一

九

白螺山吳大帝廟

螺山何嗟峨荆江走其下上有紫髯祠祈報滿邨社自  
昔割據時炎劉失區夏聿求土宇寧惶恤名號假巴蜀  
徵讖符許洛盛戎馬於焉割朱方鼎立足相亞虎旣負  
其隅龍乃戰于野哀哉爾汝歌誰永霸圖者來游陳我  
辭渚蘋薦盈把

孟嘗君養士處

官橋垂柳孃闌千古薛遺墟駐馬看食客三千容易散  
至今惟說一馮驩

李德 繼 一首

德繼字子同鄞縣人由太學生選授光祿署丞



有借樹齋集

極目西來山色秋但聞長笛不勝愁故人家在清江上  
潮滿門前月滿樓

劉成美

一首

成美字大卿漢陽人萬曆中舉於鄉由河源知  
縣歷官蘇州府同知有閒閒草

南還道中

春去花齊落人歸路轉賒峰陰昏霧合樹影夕陽斜溪  
隔循紆徑橋危度淺沙停驂聊對酒醉處即為家

下洪勳

一首

明詩錄卷六十一

十一

勳字世甫嘉善人司勳錫子官東鄉主簿有

石居集

歲暮述懷

戶外塵非隔庭前草不除枝方慚画虎賦已就枯魚燈  
影隨風蕩鐘聲帶雨疎半生無別嗜惟讀父遺書

田藝衡

一首

藝衡字子秬錢唐人汝成子以歲貢為休寧教

諭有留青日札

月夜即席示座客

雲散江城玉漏遙月華浮動可憐宵停歌不飲君何待

試問當年李玉簫

自注玉簫蜀宮人愛唱王行宮詞月華如水浸官殿有酒不醉真癡人之句

謝三秀

十三首

三秀字君采貴竹人萬曆間學官有雪鴻集

本李

寧云君采詩觸境生情緣情體物格整而不滯氣雄而不亢旨深而不  
晦致清而不薄辭前而不浮此治世遺音也 陳伯璣云君采造語渾  
成即偶入纖  
詞不失大雅

詩話君采詩甚清穩由其生於天末

習染全無此黔人之軼倫超羣者

### 城南江亭

日發虹梁門暝投漁磯路春水半篙綠褰裳不可渡溪  
深烟復深遙遙辨庭樹

### 晚汎蕭湖尋宋人虞仲房石壁

川光鬱初霽野航恰受客天空斷鴈哀水落寒沙積絕  
峽響飛泉飄飄疋練白涼葉不禁霜楓林還槭槭輟櫂

明詩綜卷六十一

十一

湖之陰突兀見瑤碧恍疑太始雪拔地起百尺登眺極  
人目了了晰阡陌胡為水窮處乃有此奇石昔聞避地  
者於焉卜其宅愛茲雲木秀重以巖潭僻靡旦匪蘭橈  
或時仍柘屐遺詠蝕苔紋風流已陳迹高躅杳難攀我  
來徒惋惜商飈增暮寒旨酒若為適興盡鼓柁歸滄浪  
黯將夕

### 蠻娃曲

蠻娃出戶筠筐隨琇子穿環帕裹頤東鄰女伴競相逐  
四月深山采葛時葛葉萋萋葛藤綠按葛為絲給春服  
經絲易脆緯絲柔裂指猶嫌縹不速破牕風急寒炆生  
流黃軋軋無停聲織成未敢問刀尺明日輪租應到城

到城杼軸歸公府吁嗟蠻娃亦良苦君不見北里春風  
歌舞人曲罷羅裳棄如土

對崇湯陰道上見楊花如繡戲作  
古道多垂楊春殘花亦白  
原凋敝民力微安得吹上流黃機若教織作機中素九  
月何人不授衣

安莊夜聞警

鼙鼓中宵急愁聞戰伐頻數家出煨燼一郡入荆榛地  
亂難為客塗窮恥傷人披衣待明發華髮鏡中新

邨行即事

卞里荒邨路尋幽到薜蘿  
寒菰葉少籬晚豆花多廢

明詩綜卷六十一

十一

寺紛蟲網貧家靜雀羅老翁晞髮坐相對說兵戈

送吳使君攝八番郡事

才子漂零久今看治郡功地當三楚盡山到八番雄詞  
賦霜毫裏桑麻露冕中孤城饒吏隱解帶聽松風

夜集薛葵軒明府西巖

曲磴穿叢篠風烟憶武陵飲能齊阮籍嘯或似孫登投  
轄留山客呼船送嶽僧江城無埃火薄暮見漁燈

焦溪雨渡

遠岸平蕪綠寒流似若邪雨深人喚渡春老客思家野  
葛牽青蔓溪藤落紫花浮名是何物漂泊又天涯

辰陽晚泊

春流似建瓴春色晚冥冥溪菜盤餐滑江魚匕箸腥月  
來沙漸白烟斂樹猶青漁父方舟處聞歌媿獨醒

洞庭夜泊石門對月

平湖涵霽景涼月漾晴暉樹極長天盡雲歸別島微燈  
前秋社燕夢裏故山薇誰念滄洲客飄零未授衣

西菴徑中萬竹翛然喜而賦此

負杖入深竹一盤仍一盤鄰僧分路去野客到門看不  
雨夜尤綠無風夏亦寒素琴多遠思宜對此君彈

題趙文度画西溪梅花

欲雪不雪天淒淒南枝北枝開漸齊因訪梅花過橋去  
始知春在西溪西

明詩綜卷五十一

十三

王象艮

二首

象艮字思止濟南新城人仕爲姚安府同知有

迂園詩集

董思白云思止風華秀絕骨力沉鬱錯出大曆長慶之  
間公孝與云思止春容淹雅白真韋滄自然神合

豫讓橋

義士負奇節所重在知己讓也慷慨流思仇惟一匕將  
以酬智伯勢必危襄子一往志不返肯以彼易此所重  
者一言所輕者一死荒橋至今在過者猶興起立馬對  
斜陽湯湯聽汾水

雨中登鹿角山宿趙荆石宅

厓古憑空閣峻嶒石徑斑龍源花外水鹿角雨中山幸  
有心知共兼逢地主閒登臨無限意信宿不知還

徐成一首

成字竟之金華人仕為鎮國將軍

成獻洞庭謁湘君廟

帝輦南巡竟不還亂雲愁絕九疑山空憐湘水通三楚  
遙想蒼梧近百蠻墮淚有痕留竹上落花無夢返人間  
千秋哀怨存遺廟悵望蘭旌不可攀

吳稼澄七首

稼澄字翁晉孝豐人維嶽子以例除南光祿典

簿累遷雲南通判有玄蓋副草又北征南諧滇  
游諸橐

詩話翁晉樂府如健兒騎駿馬左右馳突靡不如意近體頗合西崑歸  
自滇南里居極絲竹雲林之趣自號大滌先生病革語其子以布衣幅

明詩綜卷六十一

十四

中飲謂如此庶足以見嗜世詩  
人於地下蓋以賞即自懲云

礮山謠

朝采金暮采金草枯山根裂居民淚沾襟信信之犬昔  
以吠夜今以給傳舍喔喔之雞昔以司晨今以飽游民  
水衡積錢爛如土何不詔取中官歸御府

牆頭草

牆頭草秋零春復抽胡不生彼庭中生牆頭庭中無不  
可惡木枝蔭我又豈無野田塍農夫二三月荷鋤將見  
凌牆上趨難為階託根高固其芟牛羊欲食不得食牧  
豎過之徒歎息

歲晏偶成

歲云暮矣風淒然豆萁零落南山田  
陳篁掩映半庭雪  
獨鳥棲息中林烟溪上老翁索魚  
價廬頭女兒催酒錢  
衡門暫啓一失笑復有僧雛來募緣

秋懷 二首

金荆爲枕紫荊牀已共秋塵委曲房  
燈下有情啼絡緯  
機中無夢到鴛鴦明星爛爛愁天老  
燭火離離歎夜長  
一樹桐花零落盡可憐梧子自經霜  
重扃落葉迴相依羅袂無聲事已非  
寶鏡欲開鸞自泣  
玉釵初斷燕猶飛  
旅葵未合生空井  
苦槩真堪染故衣  
滿目清秋何所似白雲愁色遠微微

社日過山莊

明詩綜卷六十一

十五

背依叢竹面清溪茅屋蕭疎類灑西  
兒子社錢無用覓  
田家秋釀且相攜梁間已去將雛燕  
階下新行傍母雞  
一束荆薪兼蘊火不愁山路夜歸迷

金陵酒肆贈茅平仲

暮年看爾壯心孤  
落落酣歌擊唾壺  
但數一錢憐姹女  
纔誇千騎笑羅敷  
梨花雨濕紅襟燕  
楊柳春藏白項烏  
欲向盧家借雙漿  
莫愁不是舊時湖

薛文炳 二首

文炳字有孚嘉興人鴻臚署丞有調疴集

江城登望

三月清明近風光動客愁  
葉齊江柳暗雲暝石塘幽  
戰

伐悲新鬼登臨憶故丘南湖春欲暮羈思羨鳧鷗

閒居雜興

最愛江南小滿天櫻桃爛熟海魚鮮一聲布穀啼殘雨  
松影半簾山日懸

王同軌 一譜

甘陵王同軌字行父黃岡人以貢生知江寧縣

不多自具風格不欲寄諸公籬下撰前  
後耳談纂述撰聞亦洪氏夷堅之流也

行山中

雨餘林氣靜山晚日光斜野店依孤樹  
野橋卧斷槎馬嘶遙澗水犬吠隔林花  
白首鉏雲者春風自一家

華善繼 三首

明詩綜卷六十一

善繼字孟達無錫人仕為浙江布政司都事遷

永昌通判有折腰漫草

詩話孟達詩  
不及其弟

舟中述懷

高城片雨外倚櫂亂蟬鳴遠樹他鄉色  
浮雲過客情泉甘知早竭木散得長生悔  
逐時人後空將骨肉輕

雨後

高樹留殘雨層城帶晚烟厨香菰米熟  
架滿豆花鮮未改狂奴態還為長吏憐  
不因公事暇那賦白雲篇

春盡

即看春欲盡漸覺客衣輕燕以飛蟲下魚  
因落絮驚看

雲忘拙宦對雨憶躬耕最愛新移竹清風葉葉生

華善述 十六首

善述字仲達無錫布衣有被褐先生詩藁

王元美云仲達

詩翩翩震舉或艱或易忽沉忽揚取喻互見大槩不可為

詩話仲達與兄善繼孟達並有才名王元美列其兄於四十子之列而仲達不與焉觀其詩品矜奇灑落幾欲御風而行一時詞客未或過之而元美序之謂不可為

典要見亦拘牽之論已

長相思

長相思相思長幾許黃河三三曲曲通牛渚巫山六  
六峰峰峰度神女枯槎不來雲不雨夢落風波安可語

休洗紅

休洗紅洗紅紅可惜初洗猶作黃再洗漸成白紅芳既

明詩綜卷六十二

十七

去質亦移雖有茜草將安施

海樓篇

上客且歸休我歌送行舟君家近東海海中有瀛洲瀛  
洲不可見但見金銀樓此樓誰為之無乃蜃氣浮相望

邈無梁引領成悲愁

濠梁篇

濠水清若虛儵魚此中居儵魚何所樂水闊忘啣濡莊  
惠去已久懷古思有餘子是梁上人非魚諒知魚

雜詩

白髮白更長白花白更香春風一相見歲月久難忘君  
耕石田熟余亦起羣羊



山中作

達士貴薄游幽人安坦步耿耿梧月初蕭蕭竹風暮握  
蘭青厓陰采蘋寒水渡荷衣秋始製何用畏多露

答錢化臣

玄蟬餐清風長日鳴茂林蟋蟀飲繁露永夜莎根吟三  
蟲夫何知聽者多苦心絃桐與無絃視之誰非琴曰余  
室湖渚開口當遙岑既無簪組累又鮮轅馬臨終歲足  
暇豫長謠散幽襟偶爲好事傳詎取時名侵媿君錫嘉  
譽撫已安可任

重送世叔

清樽可續沽孤舟且緩發款款垂別語皎皎初圓月幸

明詩綜卷六十五

六

自合一心無令歎華髮

庭草作花有感

中庭無嘉植青碧翳芳草秋至花亂開翠色亦自好既  
不藉漑灌復無採摘擾無名且無種生意可常保

今夕行

今夕何夕露爲霜湖中之水寒且蒼明月倒落水中央  
溯游從之葭菼香雲山層層思難忘我有故人隔他方  
三年不歸松菊荒誰謂河廣一葦杭爾獨胡爲勞我腸

湖中之水歌

湖中之水常東流眼前無事不可愁貴如博陸死夷族  
富如衛尉生斷頭勳如淮陰竟菹醢親如文信俄仇讎

唯有文章稱不朽，高名往往垂千秋。試尋名下人，安在左馬屈宋空土丘。不朽者文，朽者骨。寸心枉作蛛絲抽，自古多才更多累。我獨何爲生煩憂。

招隱吟和伯氏

招隱吟寒山蒼蒼日欲沉，風來萬木皆蕭森。飛泉激石流清音，聽之如玉復如金。須臾月出罔，兩兩侵猿鳴後林。鶴前林青松白露光，淫淫珠璣墮地不可尋。有美一人薜荔襟，橫陳古昔三尺琴。一指未下意已深，廣陵之散愁人心。抵節高歌招隱吟。

蟠桃思

蟠桃開花予共汝十日，瑤池白雲語蟠桃。結子汝棄予

萬里澤國紅塵居，等閒便擲三千歲。相憶那無一字書。

旅懷

萬里秋將盡，孤舟夜未殘。獨愁成淚易，清夢欲歸難。鴈落繁霜白，鷗飛片月寒。朝來行客鬢，映水默相看。

晚秋鄒靈壽見過

野田猶汎濫，籬落亦荒蕪。啓戶聞鳴鵲，停舟散浴鳧。愁來說鴻寶，酒後憶雕胡。君定知朝事，今年可賜租。

寫懷

薄俗空相苦，寒泉只自甘。鶴應知夜半，狙不喜朝三。北斗懸牕北，南山橫舍南。從教斷來往，端坐待鸞驂。

梅守箕九首

守箕字季豹宣城縣學生有居諸前後集

詩話梅氏一門羣從禹金最負時名嘗後先過王元美元美贈之詩云從誇荆地人人玉不及梅家樹樹花香豹為禹金從父譽雖稱遜禹金然詠懷諸作恐小阮亦當避席也

招隱曲寄吳允兆

勝游不擇塗山棲不避幽魚鳥有本性何以異沉浮昔者東方生金門可優游亦有嚴君平足跡謝帝州真情愛松桂同器忌薰蕕輪轂淹泥淖樽俎潛戈矛流塵眩目光矚魅走道周舍旃蓋言旋春草盈芳洲

詠懷 三首

飛閣臨馳道樞軒俯四隅遠望可當歸何以心不娛夾巷叢灌莽第宅成丘墟魑魅嘯中林夜啼猿與烏密親

明詩綜卷六十二

二十

不我與我友不我俱拊劔明所懷託情於素書  
愛極翻自疑驩極易以悲所以樂莫樂固在新相知皎皎中天月虧盈尚有時惠思念疇昔怛無好懷歲暮空堂上明星照我扉身各天一隅安知渴與飢慰我同心人膠漆未可期  
索處無適懷羣居興怨尤素交夙已盡闌闈起相仇甘醴善逆人終始寧為謀同心託蕭艾一器戒薰蕕匿怨而友人見鄙於左丘信哉朱穆言獲我心所求

雜感

獨坐不能寐振衣將遠行悲風自南來吹我襟與荆河水何泱泱中有好鳥鳴我欲往從之惜哉已徂征白日

難少留年歲忽已傾願借明月暉流光燭我形

古詩 二首

日月易流邁哀榮曾何期霜霰忽來集衆芳忽已辭物象貴其新故心誰當持懷念如夙昔中情苦不怡人生一世間離合亦有時起忽即變化展轉焉可知

郭東亦有墳郭西亦有墳登城一以望纍纍正相因狐兔穿爲巢魑魅託爲鄰潛燐不自照幽路何由伸陰風卷秋草日莫常悲辛

送吳允兆

秋氣何寥凜廓處羈旅間淹留塞無成惆悵私自憐駕車出行游願從吾所驩所驩良已篤情好若蕙蘭素風

明詩綜卷六十一

三

飄廣路枝葉忽以殘結誠殊匪薄永久思弗營敘意衷所期令德思勉旃

贈祁羨仲 有濟

羨仲俠士能誦伸好奇策少游豫章乏食即行乞市中

客游小四海不裹千里糧城中乞食已忽醉胡姬苟縱橫狹路間謁夫視侯王吁嗟不逢時蓬累職所當

梅鼎祚 七首

鼎祚字禹金宣城人國子監生有鹿裘石室集

默植伯云禹金五言古蒼然骨立七言馳驟樂府時極杜陵之致近體氣純而完聲鏗以平思麗而雅 王仲房云禹金詩確守風格乖僻不生奇宕時作 沈君典云梅叔子天才駿發詩如王子晉來緜嶺清吹

冷然 禹金詩雖泚微貌三唐終不出近代風調秋滅葉

聲中五字擅長鉅千  
篇萬句亦何以加

詩話禹余周見洽聞著書甚富詩乘文紀之外旁及書記小說兼精傳  
奇所填韓君平玉合記爲詞家所賞有云風中絮陌上塵歎韶光何曾  
戀人亡友王  
介人極稱之

雜詩

智愚無常稱妍蚩無定容名德貴易立嚮笑賤難工登

高疾赴響所處固已崇流俗快目前安得察其終

雜感

忽忽中不懌駕言陟高丘高丘臨四野湛湛長江流豈

不懷所歡欲濟無輕舟佳期曠何許歲月倏已道蹟往

既非故撫來難豫謀俛仰千秋間涕下不能收

雜懷

明詩綜卷六十一

三

鷓鴣厲其羽玄鳥歸故鄉日夕涼森發大火戢朱光陰

氣馴以至草木率焜黃九六代爲窮龍戰血縱橫堅冰

自有時聖人戒履霜

哭麻鴻臚

驚風下平楚白日歸虞淵彼此相代謝時至有固然所

以上知士往往不待年比歲在龍蛇汝命竟不延詎意

黃公壚倏忽成河山逝水豈顧反行雲何當還形神曠

不接而况尋笑言先後等斯須喟焉摧心肝

金陵寄王仲房

宛水一爲別金陵再寄書王家桃葉渡秋日柳條疎客

久少知己吾將歸爨廬向君尋舊約百里共樵漁

金陵客懷 乙酉暮秋作

恣意游能數多懷望轉迷清秋雙闕外佳氣二陵西  
鴈己先霜下烏仍近夜啼都亭酒太惡不得醉如泥

九月八日城東樓晚眺寄史使君姑孰

落葉來鴻秋可憐孤城晚眺正蒼然向傳李白題詩處

重見玄暉在郡年霜後鳴碓千戶月風前哀笛一江烟

倚闌却憶龍山會誰共黃花插酒邊

梅蕃祚 一

蕃祚字子馬宣城人鼎祚從弟官寧鄉主簿有

涉江草王程草

詩話子馬與季豹禹金同負詩名王元美詩較他  
輩從更高華蓋指子馬言也然非季父賢兄之比

明詩綜卷六十一

三

重過道甫叔山居

谷口子真宅松蘿境自偏當牕懸衆壑隔樹見飛泉送

客柴門下尋僧野寺邊時時來取醉人道竹林賢

注道貫 三首

道貫字仲淹休寧人道昆弟有汪仲淹集

李本寧云仲淹

詩頌頌其兄才情節  
奏出入陶韋王孟間

贈鄧孝孺

聞汝幽棲處澄湖一片明青衿生事拙白髮著書成澤

國堪高卧山田足耦耕華陽仙路近千古倚芝盈

鄉榭被放作

得路難如此飄零似去年曉風池上月秋水鏡中天

咄悲生事勞勞問酒錢啼猿與在鴈總使淚潸然

落日照前溪倒影映紅樹幽人不出山白雲自來去

汪道會 一首

道會字仲嘉休寧人亦道昆弟諸生有小山樓

稟 李本寧云仲嘉秀色天然盡去雕飾

過王百穀

秣陵三月柳含烟猶憶城南送酒錢雙槳暮潮桃葉渡  
一尊寒食杏花天江門隔歲書相問吳苑今宵月再圓  
執手莫須論往事傷心近廢鶴鴿篇

劉潤 一首

明詩綜卷十二

潤字德祖歙縣人有鶴嶼集

寄王仲房

不見風流王右軍詩名湖海日相聞歸期漫阻黃梅雨  
鄉思遙懸白岳雲千里音書秋後斷一江南北夢中分  
潭園草罷閒居賦誰共清尊醉夕醺

劉澳 一首

澳字本瞻潤弟

九日同葉茂長汪和叔登高燕集

九日他鄉菊未開相逢同上竹西臺江南木落千峰出  
蘄北風高一鴈回笑指青山懷杖履羞看白髮會歸來  
明年此日難同賞烟雨何妨數舉杯

吳元樂 三首

元樂字振之休寧人

春日有懷仲仁

獨行墟落間舊徑生芳草一見蝴蝶飛三歎青春好故人不可同能無傷遠道

八月十二夜作

暝鐘初定後秋氣漸深時顧此蒼苔上冷然白露滋蛩還依砌響月自隔林移不見素心者空懷夙昔期

湖上憶別

河橋三月水平津兩岸輕波漾綠蘋曾向此中傷遠別故人今隔幾回春

明詩綜卷六十二

三五

產科一首

科字

望江人由貢生萬曆中知通江縣事

茗山洞

羅隱曾隱此山有蓮花峰相傳仙人嘗憩其頂

峰陰迴合擁青蓮詞客遺蹤尚儼然啼鳥故疑歌白雪飛泉猶似奏朱絃林扉蕭瑟無塵躅石室逢迎有洞仙安得向平婚嫁畢拂衣吾亦弄雲烟

明詩綜卷六十二



明詩綜卷六十三

小長蘆 朱彝尊 錄

桐鄉 金 枻 緝評

宋登春 三首

登春字應元新河人有鵝池生集

靜志居詩話王喬之玉楮桓司馬之石樽可以蓋曰至愚然而楊玉孫之保養劉伯倫之荷鍾便理亦矯枉之過也鵝池生語邢子處云君視宋登春豈杉柏四周中人行將浮錢塘脫履江干乘潮解去既而果躍入江魚腹之養果勝於一棺之土乎君子譏其誕矣生詩乎疎寡際思不失為賈浪仙  
李才江一流

薊門

桑柘兵殘後人家夕照中天秋沙鴈沒月冷戍樓空  
選將燕山北擒生遼海東城南餘戰地燐火夜深紅

明詩綜卷六十三

九月三日方別駕攜酒殺見過因懷徐荊州

客淚秋能下入情老自知塞寒鴻鴈早江暖菊花遲  
對酒憐吳語聞歌憶楚辭明年誰更健重把紫萸枝

秋日野望

聽鳥中林性看雲故國心地卑湘漢闊天遠洞庭深  
老馬空知道窮援豈擇林十年書劍客寂寞到如今

陳 昂 三首

昂字雲仲莆田人有白雲先生集

詩話山人以俊亂舉妻子奔懷章織屨屨粟不給則賣卜已而入楚蜀轉客金陵聞賈文為活脫窮以死其自序略云昂於詩尤嗜五言第家貧無書誦王右丞作即師右丞誦杜工部作即師工部可謂多師以為師者也

宿江邊閣

暝色江邊閣行吟易斷魂風前兩岸葉月下一聲猿夜  
哭誰家婦寒號何處邨洞庭春水動雇艇去荆門

閩南登樓

切莫登樓望令人更慘淒戰場多鬼哭息壤聚烏啼黃  
霧埋城郭寒風死鼓鞞深樓巢燕子來往亦銜泥

移居巴陵

此即巴丘戌相傳魯肅城古今餘往事兵火剩殘生楚  
水爲漁便湘山結室平地靈如獲託亦足寄遐情

馮

遷

七首

遷字子喬上海人有長缺齋稟

潘子仁云子喬采擷菁  
英鋪張平實吾見其進

未見其止也 朱邦憲云子喬緣情  
定體因體鑄辭雄麗雅澹之言皆備

明詩綜卷六十三

二

詩話子喬詩出辭似淺而鍊  
格頗道澗之汰之沙礫自去

與俞仲蔚

仲蔚青雲姿偃蹇山澤間遺棄當世事賦詩獨精專大  
雅旣寂寞下接蘇李肩晨昏弄筆札几席生雲烟流傳  
翰墨林字字堪磨鐫相過遇佳夕春風益和顏燃燈設  
清醴微奧相與宣高懷曠千載鬱鬱忘冥筮所嗟歲云  
暮何以奉周旋

病卧十日城中米價騰踊感而賦此

兒童負裹朝出市日暮歸來哭不止斗米新騰價百錢  
布匹雖行賤如水盡言久旱江水枯賈舶商船難到此  
城南早稻秀不實城北晚禾乾又死悲哉野老啼無聲

十日病卧茅屋裏

送唐世其北上

君去青山外予吟綠水邊  
忘機鷗性狎快意馬蹄穿  
魏闕通霄漢吳臺思管絃  
遙知聽雨夜定憶小樓眠

潘伯明邀飲朝天宮

邀我來仙界林深引玉笙  
坐來黃鶴舞醉倚白雲生  
江作千年壑山圍六代城  
興亡易悲感何地訪初成

荆溪夜泊

細雨延春酌寒雲濕暮鐘  
客舟依樹小野火隔溪重  
風水期無定登臨興轉濃  
明朝買雙屐共爾躡羣峰

復餞顧內翰於南浦因經曹公戰壘

明詩綜卷六十三

三

映竹船牕水氣涼  
渚風微泛白蘋香  
今朝相送即相別  
明日故人非故鄉  
蔓草女牆橫斷靄  
秋花軍壘護斜陽  
銀河舊與滄波接  
一望靈源萬里長

葉之芳

五首

之芳字茂長無錫人有雪樵集

寒食金陵病中作

東風吹短褐寒食傷天涯  
客舍孤城雨鄉心二月花  
遠山青極浦芳草綠平沙  
不盡王孫淚年年感物華

靈江舟中

赤城東去水滌洄無數寒  
花夾岸開越國青山臨海盡  
靈江秋雨挂帆來舟中客  
淚隨楓落天外鄉心逐鴈哀

如此蕭條須盡醉已知淪落不言才

送韓漢章自楚還蜀

河梁日暮罷離尊送爾西游入故園湘渚月明春飲馬  
巴江花落夜聞猿青山易墮天涯淚芳草空消客路魂  
何事不歸嘗寄食道傷誰解惜王孫

題江邊柳

楊子津邊柳秋風葉乍凋生當離別後不得長長條

入新安

可怪新安水舟從石上行千尋猶見底不數越江清

柳應芳 三首

應芳字陳父海門人有柳陳父集

姚園客云柳陳父詩如田舍翁暴作

明詩綜卷六十三

四

封君舉止生澗

廣陵詩人推陸無從然結染七子

流風不克自拔陳父名雖不及與會清發自可使無從却步

詩話陳父僑居金陵之杏花邨每出行吟俯首沉思觸人肩面不自覺

語所知曰作一詩必離魂數番乃得稱意昔人所云撚斷數莖豈用破

一身心不過是矣其詩頗

選高格第去七子仍未遠

送周京兆建言再謫代州判官

向託湘流弔屈原十年岐路不堪論到來京兆纔三宿  
謫去承明只一言馬邑秋高邊月近鴈門春盡塞花繁  
再投萬死風霜地猶感全生聖主恩

初聞倭警有感

東倭海外播風烟回首扶桑氣稜連白羽插書傳幕府  
黃金刻印拜樓船朝廷欲問來王日父老曾經入寇年  
辛苦折衝胡少保永陵一詔至今憐

春閨

黃鶯不隻啼紫燕還雙栖栖在妾梁上啼向妾牕西

安紹芳 七首

紹芳字茂卿無錫人國子監生有西林集

葉茂長云茂卿

學瞻才高生不得志有浮雲當世之志厥軀鄉曲慷慨遠遊與至為詩  
會茂長云茂卿詩不迫逐時好獨嘗抽思一以

清婉  
為尚

山中夜坐

夜氣何蕭森空山思寥廓不知風露寒彌覺衣裳薄美人渺難期對酒不成酌白日虛牖生微聞桂花落

旅泊

秋盡仍為客江寒獨繫舟微霜下木葉遠火露蘋洲無

明詩綜卷六十三

五

那風前鴈偏生枕上愁孤帆明更發何處復淹留

送曾中丞入蜀

玉節遙看萬里行鳴笳吹角動西京天邊劔閣雲連棧樹裏巴江錦作城檄到百蠻新喻蜀圖開八陣舊藏兵  
寨帷父老煩相問辭賦何人似長卿

花津

水上春霞明花開幾千樹不是避秦人人疑避秦處

一葦渡

夕陽下前溪西風吹野渡不見折葦人獨立滄江暮

春盡日寄華公衡

惆悵春風暮懷人興轉孤夕陽空極目芳草隔南湖

柳枝詞

赤欄橋畔柳絲長帶雨和烟總斷腸肯向西風恨搖落  
願留春色待蕭郎

聞

龍三首

龍字隱鱗鄞縣人處士有行藥吟幽貞廬詩集

屠田叔云隱鱗詩如溪上人家曲几疎牕長與水雲弄色 王右仲云隱鱗詩清和穩暢卓然成家

詩話隱鱗為家字莊簡公孫以孝友德行聞於鄉里初不以韻語自負然其近體頗開整特少警拔耳

山居即事

積雨朝來歇諸溪盡急流隔河看飲犢倚檻有浮鷗雲  
冷松根石風微竹外樓蕭然無一事開徑遲羊求

吳興送趙彥忠游吳興

明詩綜卷六十三

六

吳興舊游地遠想尚依依荻岸青簾舫桑林白版扉計  
程千里近屈指一年違從此斜陽外看山悵獨歸

聞吳少君病而阿霽死悵然懷之

來往家無定饑荒病未蘇路危僮僕盡身老子孫無何  
日忘機事全生付酒壚榮期自有樂不用哭窮塗

譚清海一譜

清海字永明東莞人有靈洲詩草

詩話處士以布衣思自奮功名永陵時上言十事不納穆宗即昨復走京師進三大禮疏其略曰我太祖高皇帝文德武功前此未有一傳至

建文君紛更法制文皇帝於是訓兵除之即位之後悉復洪武舊制夫成祖未即位之先建文君天下者也四年以來其措置雖不足觀然有

一日之君必有一日之政事而使之湮沒不傳將來者何以徵也且洪武三十一年爾今日三十五年豈實天之後猶能撫綏四海統理萬幾

此非所以示信也陛下宜勅令史官修其一朝實錄仍以建文年號復

昔高廟而追謚之庶幾文獻足徵可以信今而傳後矣又按正統十四

年也先入寇大同失利太監王振不與大臣謀議獨挾天子親征命鄜王居守師駐土木天子蒙塵京師大震皇太后召百官入集閣下令鄜王權總萬幾既而復命鄜王宜早正位蓋以時方多事國賴長君故也王涕泣固辭於時文武羣臣交相勸進然後不得已即皇帝位土木臣恐天下之事難言矣况多難之秋篤任于謙選將擇能練兵大戰宗社不至於南遷伊誰之功歟及英宗皇帝駕還景皇帝迎拜相持而哭推遜良久授受之意昭如日星一旦不豫英宗復位此天之所順也人之所歸也而賊臣徐有貞輩適貪天功以爲己功首倡拳鬥遂使本駕言定策繼取侯封構骨肉改除己之禍端損國家萬年之元每讀國史泰七年君臨天下之號一日改餘于謙社稷之臣竟死刀下每讀國史流涕傷心不能飲恨也英宗復鑿其誣深懷怨悔未及改遽爾上賓憲宗敦念親親用成先志上尊諡曰恭仁康定景皇帝然而未得稱宗未饗太廟屢朝因循實爲缺典夫入臣有功於國者猶得附繫於廟而况正位於九重之上七年之間社稷收賴德在天地功在祖宗不幸屢駕一二讒賊之臣適隨而媒孽之遂至不得以列羣宗而安廟祀孔子所謂正名之義安在今陛下即位之始宜明詔中外專爲某宗祀孔子廟以正一代昭穆之倫以敦萬世宗親之義仍以于謙配饗用報有功復勅有司震暴有貞之罪削其官爵夷其墳墓以爲將來不忠之戒庶幾祀典可明而典刑可正矣又按太祖高皇帝首建太廟爲同堂異室之制而奉玄恒裕溥四帝居之成化間九廟已滿下詔議祀於是皇帝帝爲始祖以太祖太宗爲世宗於寢殿後建祧廟羣主以大遷入焉

明詩綜卷六十三

至嘉靖十七年先帝斷自宸衷獨奉高皇帝爲不遷之祖改疏太宗爲成祖復上獻帝爲睿宗而立廟祀焉夫太祖有功於天地創業垂統爲萬世計尊之爲始祖禮之正也獻帝篤生聖子入繼天朝我先帝一念報本之心不能自己而尊之爲帝祀以天子之禮此猶可以義起者若升祔九廟而與列聖並饗臣不知於義何取於禮何居天下之分奚辨乎昔武王纘太王王季文王之緒以有天下是猶我太祖王季文王之天下也故武王得以追王太王王季文王也猶我太祖之追尊四祖也今先帝所嗣之緒果纘之獻帝乎抑纘之祖宗列聖乎使纘之祖宗列聖則先帝之天下祖宗列聖之天下也先帝不得而私其親也今饗其親於九廟之中則是先帝之天下既受之祖宗列聖矣而復受之獻帝謂非有兩統乎此一人之私也非天下萬世之公也我朝之制于爲天子其母稱太后不稱后不得並嫡同饗於是有奉慈之殿所以明微也陛下謂君臣之分與嫡庶之分奚殊焉獻帝本安陸之藩王曾北面於武宗者今升祔九廟而與睿宗並列則是儼然居武宗之上矣爲天子之母者不可以庶而並嫡爲天子之父者獨可以臣而尊君哉臣聞獻帝在藩邸時克遵朝廷制度惟謹天下稱順焉故於其崩也而武宗諡之曰獻夫生而能恪守藩臣之禮必有死而首倒置冠裳者也今儼然居武宗之上臣恐獻帝在天之靈未有死而首倒置冠裳者也義之防不可越也祖宗相傳之統不可私也將感然不安於其位矣夫祭者所以安先人之神也既感然不安於其位則又何愛於附饗何取於太廟哉陛下方將秉正奉公爲天下法式必不以私親之故而廢禮其勅禮部會多官集議再訂廟儀務求典禮之正庶於祖宗祭統不至

生嫌獻帝神靈得以安饗而亦不失先皇尊親報親之心祀典由是而正禮義由是而安天下之分由是而辨而萬世人心之公定於此矣以上三事皆言人之所不敢言且倡議於楊時喬詹沂劉曰梧歐陽調律諸臣之先而實錄不書野史失載故節錄之處士善談兵見知於戚少保歸隱雜浮見日錄鄉里稱為見日山人

### 西游別貞復

君望東海歸子從西粵游興言感今昔行路何悠悠白日往不返頽波逝東流青青澗中蒲泛泛江上鷗連枝與比翼庶以解我憂

### 楊承鯤

七首

承鯤字伯翼鄞人太僕卿美益子國子監生有

### 西清閣詩草

詩話伯翼論文謂先民有作發率存為不入發率雖工無當也論詩厭薄王李謂暗中摸索知為今人之詩惟誦之不類今人而不蹈古人之

### 明詩綜卷六十一

八

迹斯善矣譬如學書然方其心摹手追必盡肖迹人及其成也不必盡肖乃成家可稱知言者也

### 七哀詩

二首

朝發桑乾河暮宿樓桑邨王氣久消落靈跡祕陳根物色遞遷化日月屢崩蕪奈何此征夫跋涉無朝昏驅車冒榛荆忍飢過市門餘雪照墟里頽陽藹荒邨隴墳鬱相望賢達無一存顧彼翳桑人太息涕潺湲客行無昏曉乘月理歸軒仰視明河低畢昴正闌干繁霜生肌骨齒戰不能言空野無人聲雞犬互悲喧羸馬為哀鳴僕夫自辛酸行行日已老帝鄉日已窅朔風裂緇衣客歸苦不早燕雀懷故棲游魚思在藻日月逝不處誰能長美好着我平生親言旋永相保



無能

漠漠島烟合紛紛林月生小山全入霧大水半浮城鳴  
櫓通晨過疎星永夜明無能逐世好嬾與癖相成

寄題江心寺

勝絕江心寺江空瑤影長潮痕剝斷石海氣濕危廊僧  
老秋無寐鵬寒翅有霜英雄餘涕泗風雨弔殘陽

小山

還山抱黃犢沙草日蒙蒙竹屋難禁雪松門不掩風香  
餘粟葉火寒落桂花叢寥落清江外吾生亦有終

小山歸得長文書及新詩二首兼惠茅栗如數奉

答

明詩餘卷六十三

七

茅栗何年種分巨見小奚色兼霜芋早味與露葵齊飲

袖呼兒子嘗新媿老妻永無懷橘日剩有萬行啼棧奉

脩園觀刈稻詠懷

老覺衣裳薄寒催捃拾頻尋常邨徑小來往路入新沼  
靜飢魚出林畀宿鳥馴雞豚與閭巷不厭野夫貧

諸葛鯨

鯨字君騰襄陽人

一云蜀漢人

渝城人日簡字給事

訪舊來何晚輕帆落驛亭江迴劔外白山繞漢中青島  
里逢人日孤城感客星知君懷諫草翹首望明廷

沈懋嘉

懋嘉字會真平湖人懋孝之弟諸生有白巖遺  
臺

秋鳥

陳山西麓海東頭細網長竿帶綠鞴買得山禽如粉脆  
屠墳十里稻花秋

詩話吾鄉屠康僊墓在午浦陳山山濱海窳木蒼鬱每東風起有鳥海  
外來集於樹土人張羅持竿捕之次者曰鷖毛鷹亦曰鷖鷖中者曰花  
雞小者曰鑽雞剖其腹有青椒其骨  
甚脆號為秋鳥文學詩蓋紀其實

裴邦奇一首

邦奇字庸甫聞喜人有巢雲集

望嶽

衡陽秋色翠一作碧氳氳南望蒼梧隔楚雲自去重華招不

明詩綜卷六十三

十

返月明瑤瑟怨湘君

黃維楫二首

維楫字說仲天台人

送王元甫舍人使襄藩

玉門將醞酒使者捧銅圭玉節湘雲外星軺漢水西恩  
頌丹鳳詔歌唱白銅鞮山簡流風在能無醉似泥

武林與王符李葉四博士夜酌

烟草碧連天吳山春可憐客情千里外鄉語一尊前細  
雨鳴深夜疎燈照別筵關河又明發罷酒各凄然

陳有守二首

有守字達甫休寧人有六水山人詩集

徐子與云  
山人詩集

雖不盡離津筏而體  
裁宛密大雅不羣

詩話山人好游轍跡遍湖海以郡有南湖大州水胥匯於川注海遂自號大水山人一曰天濤山人又曰斗下老人自此沈麟士王孺仲其詩取材目前不甚錄鍊所選微  
郡詩斤斤繩墨不失正音

### 游邵氏園

極目眺遠山振衣出東郭白雲媚幽岡蒼烟澹長薄登  
皋一舒嘯餘響應林壑空緇城市塵未諧江海諾夙心  
愜超曠世故任龍蟻

### 觀音巖

紺閣披雲竹樹參天花傳說見優曇妙音一去諸天遠  
癡絕行人拜石龕

### 盛時泰

二首

明詩綜卷六十三

十一

### 時泰字仲交上元人貢生有蒼潤軒集

詩話沈啓南題倪元鎮画云筆蹤要是存蒼潤画法還應入有無盛仲  
交画師元鎮文徵仲遂以蒼潤題西冶城之小軒仲交性愛山水去郭  
二十里爲攝山山之左有大城山結構舍其中時跨一青驪欣然獨往  
嘗爲子娶婦其妻戒勿他往忽隨友人往城南古寺數日乃還妻愠而  
罵之乾笑而已張甫南開御史臺於句容仲交醉擲戟門之鼓負試吳  
安得此狂生必盛仲交也邀入復飲達旦乃別萬曆初元以陪貢試吳  
下甫南謂曰子過姑蘇宜一謁王元美遂攜所著兩都賦謁元美於小  
祇園元美贈之詩曰遂令陸平原不敢賦三都又三日之內遍和元美  
擬古詩七十章元  
美爲之氣奪云

### 初春送朱比部

幾年官寄白雲司日日行吟湖水渚五馬西川今作守  
一尊南郭暫相持天邊雲樹依臺遠雪後春濤出岷遲  
自昔蜀中饒勝蹟品題應是待新詩

### 寄武林朱九疑

湖上輕風拂柳條美人吹笛向平橋欲知胥浦潮初退  
正是秦淮雪半消

張正蒙 二首

正蒙字子明江寧人

顧太初云隱君年九十餘猶能日行數十里無倦不多飲酒而善飯如壯夫詩

法中感唐饒王孟章柳之趣

商人怨

江上商人歸試問商人事商人不敢言相對但垂淚

過王德載牆東別業

舊是君公隱相期共避喧落花春雨巷垂柳暮烟邨  
外青山出尊前白鳥翻澗聲流不竭吾意欲尋源

馮敏効 一首

明詩綜卷六十三

十三

敏効字忠卿平湖人給事汝弼之子有小有亭

水青山集

書吳舟行

水遠連天碧秋深共客寒孤舟迷去路頻對夕陽看

工程伯陽 一首

伯陽字師道歙人

王仲房云師道家貧賣藥自給詩多漫與而沉思者自入法

過南山懷許宣平

仙人去已久訪古經南山丹竈亦已沒白雲長自閒  
風吹桂枝綠雨落桃花斑空傳負薪句沽酒何時還

馮科 一首

科字子盈嘉善人布政使盛世之父有東皋吟

吳江逢越客徐生

賣藥長為客浮萍寄此身因沽吳市酒得值越鄉人白  
雨三江暗丹楓十月春追思卅載事不覺淚沾巾

孫文麓 一譜

文麓字伯諧歙人

亞仲房云伯諧好神仙山居獨行洞簫在佩不願俗人訕笑其詩任性放吟嬾於祖述間

有合作便越凡情若行人欲問前朝事翁仲無言對夕陽足稱佳句

逢鄉人

爾從山中來恰喜江上遇吾家老梅花開到第幾樹

曹昌先 一譜

昌先字子念一字以新太倉人

少年行

明詩錄卷六十三

十三

長安兄弟舊知名半是期門半射生醉就胡姬壚畔宿

明朝齊赴受降城

欽叔陽 三譜

叔陽字遇公吳縣學生入國子監有集

詩話太監孫隆以督織造駐蘇州朝廷方起稅額惡少年行賄克委官乘輿張蓋勒索商稅民不堪命崑山人葛成率眾二千人分作六隊一人搖蕉扇前行後執挺隨之知長州縣事鄧雲嘗見民情洶湧掄委官頭目械於玄妙觀東立毆死裂其尸知府朱燮元勸諭始得解散此萬曆二十九年事也時葛成慷慨就獄後得宥罪又二十餘年而有顏佩章等實先啓其兆云遇公諱凡一十三當甄錄其音節近古者

稅官謠 三譜

四月水殺麥五月水殺禾茫茫阡陌彈為河殺禾殺麥

猶自可更有稅官來殺我

千人奮挺出萬人夾道看斬爾木揭爾竿隨我來殺稅

官

稅官來百姓哭虎負螭猱升木壯士來中貴走十二人  
三授首歡樂崇朝不及夕倏忽頭顱已狼籍投畀烏鳶  
烏不食

張名由 二首

名由初名凡字公路蘇州嘉定人有張公路詩

集

詩話公路居平世而好言兵棄家產僅僕以避徭役可稱  
如養之子蓋先唐婁程李四子稱詩而學文於震川者

吉貝辭

禹貢故江道今已失其真西亂北入婁浦東接春申中  
淤百餘里高飛起黃塵三年棄不治地頗生理殷九夏

明詩綜卷六十三

十四

穫鉏出三時雨露新吉貝萬餘頃其葉何蓁蓁秔稻產  
三吳初不係海濱陵谷日變遷造物亦至仁嗟嗟肉食  
謀此理難具陳

空堂

秋蟲響空堂纖月下幽渚鳥驚風外林花落庭中樹羈  
棲興遠懷城河隔新雨耿耿良不寐脈脈以無語

俞安期 十三首

安期初名策字公臨既更今名改字羨長吳江

人有寥寥集

羨長嘗以長律一百五十韻投贈王元  
美元美為之傾倒已而訪汪伯玉於新安訪吳明

卿於下堆頰依諸公以起名才氣蓋涌晚鐘賦薄稟白而聲調時時闌  
出不能自禁矣 朱雲子云羨長語多雄壯如望海云星臨東極無分  
野山入南荒有沃焦廬山絕頂云爭趨大海千江定鑿入中峰兩郡分  
青臨洮監司云桃花東道來天馬木葉西山見玉狼寄建昌兵備云筆

馬全教歸漢北竹王那  
許擅南中皆名貴可傳

詩話羨長之名由元美明卿伯玉而成詩亦兼綜三家原本李獻吉長  
於猶祭賦景有餘言情不足如入隋苑觀巖鏡花青紅碧綠非不爛然  
奪目即而視之與  
根株總不相附

### 烏沙阻風

獵獵聞闐風吹彼江漢流崩流一何急阻我西行舟  
篙引百丈人力非不周但如宋都鷁退行良非謀旅情  
既昏亂朱炎苦相讎畢竟泊楓林繁陰結綢繆憶從辭  
妻孥再見萸葉抽前期猶漫漫返顧多沉憂沉憂不能  
揮奮思弋青丘

### 武夷二首

晨興命篙師溯流泛清汜鷁首轉石湍九曲茲其始峰

明詩綜卷六十一

五

巒縱異姿崖壁夾重詭參錯駭愕形萬狀不相似林林  
從孤舟紛紛列兩溪回眺天柱石端立若冠峙其上亦  
宏奧云有天池水易代投玉簡遣使歷千禩子騫謫居  
時仙客咸來止晉代八真人異姓四女子謫籍周有期  
上昇具由此控鶴彼何人曾否來主禮  
繫纜仙船巖三曲漸已及云何二仙艇中壁懸石隙歲  
月固不知神化亦奚測更無堯年潒安得逮兹息豈墜  
絳渚間天路將安適或由巨靈掌攜之化人國莫謂藏  
壑牢夜半負有力願借拯迷津衆人免沉溺

### 神鴉行

甘將軍廟富池口廟前羣鴉何太馴商艚經過浪索食

撲刺雙翅飛近人上投餅餌或片鬻高挈低攫疾若神  
競言此鴉莫彈射將軍精靈所變化中之不斃亦不傷  
風波恐使神明咤吁嗟乎將軍氣槩籠古今強吳捍魏  
人所欽精靈縱化亦貔虎安得瑣瑣爲微禽神鴉神鴉  
汝曹憑藉將軍力不加彈射還投食何殊僕隸在權門  
安然請索無不得

卜居陽羨

雞犬成墟落蕭蕭半畝宮湖山元作長田舍復稱翁五  
口中人產千家太古風無由知帝力耕鑿自爲功

憶家

故國千山外經秋遠別離浮生能幾日爲客此多時衰

眼高堂淚寒砧少婦悲天涯念游子風雨共淒其

青草湖

秋霜枯洞庭秋草入湖青漁屋遷卑壤風帆就遠汀鴈  
鳧沙不整魚鼈塹多腥回想波濤日陰沉託水靈

過洞庭湖

南北占星日相隨任遠飄輿圖輪浩蕩舟楫變昏朝鴈  
力翻風盡蛟宮隱浪遙最憐無定處雷雨失青霄

望海

積氣茫茫九水都望來空闊盡東隅雲霞午夜浮光動  
雷雨中流片影孤日有靈烏棲柝木時無游馬繫秦蒲  
島夷向識滄波道烽燧防春亦遠圖



送顧道行副憲之山東

鬪雞走馬俗稱雄絕島窮邊路亦通  
弁服仍敎歸禹貢短衣須遣變齊風  
嶽雲今古懸封上海日尋常起夜中  
我有所思愁遠道自今長望泰山東

登祝融峰

中天積氣入清涼雲霧翻看地混茫  
雨挾蒼龍奔下嶺星懸朱鳥定南方  
何年石簣藏金簡自古山祇禮赤璋  
壇上長流青玉乳神池高捧帝臺漿

謁禹陵

水土開荒服憂勤任聖躬八年忘內顧  
四載畢前功歷數虞咨及巡游夏諺同  
會稽臨絕徼道里記方中玉帛

明詩綜卷之三

十七

諸侯集梯航萬國通重輝扶舜日後至  
戮防風論德人無間傳家祚莫終  
寢園非遠隧祠廟異卑宮祭本天酬  
孝民猶俗尚忠穴深藏詭物石立窆  
神工秘守玄尸使奇探太史公爲魚  
心感歎酌水意尊崇草莽成臣禮精  
靈鑒鄙衷願爲松柏樹朝暮護青蔥

東濠雜興

青谿東九西九白鳥朝雙暮雙結屋何  
殊柳浪投竿別是桐江

何白

四首

白字无咎永嘉布衣有汲古堂集

時爲郡小史龍君

御爲郡司理異其才爲加冠集諸名士  
賦詩以醮之爲延譽於海內遂有盛名

詩話无咎起於側微事容有之第考萬曆庚辰履歷龍君御初授徽州府推官鑄級改温州府學教授入爲國子博士未嘗任温州司李也

殆亦道聽之說汲古堂集

原亦出於七子頗與俞羨長相近

### 長干客舍同周叔宗夜坐分生字

莊塗轆塵軌末路多所嬰况復歲邁盡懷歸軫予情之  
子秉高韻神恬物自輕處順鮮有觸居喧若無營偃仰  
寄一室展玩忘寢興高梧散縹帙風琴落虛聲欄卑景  
先夕墉高曦易傾幽光代明燭寒月暖前楹焚枯命芳  
醕歡燕惟平生情披語已洽壘虛時載盈寸慄得所遣  
冀此數來并

### 村翁行

老翁耕種居西邨白頭不到城東門翁言淳朴日非昔

明詩綜卷之三

十八

我覺勝兒兒勝孫大孫自託能當戶負租往往凌田主  
日斜歸自縣門來桑下垂涼說官府

### 淮陽歸興

淮泗秋風動地來月明如水鴈聲哀南經伍員吹篳市  
北眺曹公較弩臺歸路漸香菰米飯佳期已負菊花杯  
愁聞烽火連東北極目浮雲黯未開

### 莫愁湖逢程德懋

莫愁湖邊驚暮春暖風霽日搖青蘋柳條繫馬不辭醉  
飛絮滿天逢故人

陸

弼六首

弼亦名君弼字無從江都人歲貢生有正始堂

集

李本寧云無從詩有六朝之靡曼精  
工有唐末之舒緩流暢各臻其勝

有鳥

有鳥東南來為巢良已劬彼鳩胡弗仁一朝奪而居我躬不遑恤安所念拮据逝將訴上帝九閻莫可呼鳳皇三歎息謂鳥亦何愚不聞晉與魯封土百里餘三桓逐其君六卿析其都遂使帶礪邦忽焉為丘墟自古皆有然勿謂天道迂天定能勝人茲理若轉樞

韓侯祠

秋風開古廟聞此祀王孫漫說封侯相徒傷過客魂楚歌空激烈淮水易黃昏我亦懷知己漂零未報恩

早罷哭亡弟惟良

明詩錄卷五三

十九

早罷諸生籍貧無季子田暮齡看汝健朝露竟余先無復誇聯玉徒令歎逝川山齋姜被在攬處未潸然

秋風哭梅季豹

失意長為客招魂忍向君生難逢醒日死孰問遺文未路淹蓬累他山隔鴈羣蕭蕭桃葉渡團扇掩秋雲

謁于肅愍公墓

荒墳鄰近鄂王宮異代孤臣伏臘同北狩忽聞哀痛詔中興多仗保釐功百年社稷回元氣五夜松杉起疾風

聖主祇今恢廟略玉門聞已罷和戎

晚泊昆陵諸君攜酒過集舟中

孤城春水浸桃花白髮逢君酒重賒一曲清歌滿船月

不知今夜是天涯

黃克晦 八首

克晦字孔昭惠安人有黃孔昭詩選

沈嘉則云孔昭多深沉之思本

之雄渾發以春容情以景生語必自鑄字不虛設氣完神定大雅之材

朱秉器云孔昭詩意常獨造雖以古人為宗而不蹈襲片語

然蒼翳祇覺老蒼歷下瑯琊但稱虛謝未能或先也

詩話孔昭少為畫工壯歲以詩名其金陵游臺則張仲立刊之西山唱和編則李于美定之金臺詩則林登卿鐫之登卿稱其古風天籟自鳴

感時

近體森然紀律音淡社

繁霜凋草木谿谷正悽惻玄冥慘不舒改歲固云逼萬物各有因盛衰迭今昔寧見武安門猶納魏其客

江行

明詩綜卷之三

三

江風來自北弭櫂江水平浪聒不息游氣昏空潭曠野何蒼蒼引步隨幽探鹿鳴求其牡豐草非所甘江燕啄不食念雛聲誦誦物性固如此游子何以堪慨彼江中水衝波無定端古人忍飢渴盲矣非空談

夢游武當山懷鄖陽江使君

祝融奠朱方五嶽有定目胡不以泰山竝列而為六夜夢登其巔游氣承我足千峰歷嶮巖如車走平陸上為帝者居星辰纏其麓崢嶸羽人宮參差徧巖谷中有不死人終歲茹草木授我鳥迹書奇文不可讀雞鳴忽焉寤惋歎淚相續

聽話西苑

雷殿清虛太液秋至尊多在望仙樓樹深宮闕東西合  
月出東西下上流麟圖紫芝春曄曄兔園白鹿曉呦呦  
軒皇鼎在龍髯斷露箔風簾不上鈎

送何仁仲鴻臚

乍列鵷班黼座前懷山歸櫂忽悠然  
蘼蕪曉過湘妃廟葭菼春迷宋玉田  
白雪新聲供奉曲悲風古調別離篇  
重來何處偏相憶問我朱陵訪道年

病中風雨寄歐楨伯

薊門衰病颯驚秋風雨蕭蕭獨倚樓  
四海新知名下老頻年多病客中愁  
雲連北極迷宮樹水發西湖出御溝  
京國逢君歡不淺可憐經月罷同游

明詩綜卷之三

三

欵乃曲

二首

五虎山如五虎蹲盡對無諸舊國門  
無諸去後山空在秋草蕭蕭日又昏

微茫星月下江鄉三十六灣江水長  
夜半舟人相借問好風日出到洪塘

鄭琰

二首

琰字翰卿閩縣人

徐興公云翰卿工七言少游曼卿集中多悲壯語

詩話翰卿詩名籍甚興致故超七言近體全得力於唐詩鼓吹者

贈顧小侯

甲第連雲瞰帝城  
画簾繡箔照朱甍  
新開馳道千金埒  
舊領團營七較兵  
方士房中龍虎鼎  
侍兒花底鳳皇笙

燕山二月春初好玉勒朝朝待曉鶯

黃山道中

微霜風物色淒淒路入黃山是五谿帝子不歸汾水上  
行人愁過穆陵西荒原曉露銅駝泣古驛秋風鐵馬嘶  
獨客傷神家萬里斜陽征鴈楚天低

胡宗仁

三首

宗仁字彭舉上元人有知載齋橐

姚園客云胡彭舉如空山泉落薄晚

賈明

顧太初云彭舉詩奇峭多新致

彭舉臨冶城山下

本富家子老而食貧不謁時貴畫師子久雲林嘗詠唐六如詩聞來自

寫青山賈不使人間作業錢殊自得也有詩二千餘首鍾伯敬為論定每自誇其寒星徹夜疎明月為我至以為神來之句亦可見其清思也

詩話彭舉詩頗清真惜憂為楚人論定必去其菁華僅存皮骨矣

立秋後夜起見明月

明詩綜卷三

三

深夜見明月漸低西南隅光華射虛檐照我牀頭書開  
函見細字歷歷如貫珠老眼未能讀惆悵坐庭除風生  
梧葉鳴光景殊蕭疎昨方入秋序清涼便有餘  
閒居寄友

桃葉渡

家住青溪曲春深花竹迷君來若相問直過西梁西  
桃葉渡頭桃葉春家家姊妹鬪妝新不知何處初來客  
未省吳姬解笑人

王嗣經

二首

嗣經字曰常本姓璩上饒人

郊遊

禁樹青郊外重城綠水渚園林春閏月花鳥晝晴時遠  
岫平浮檻清泉曲到池晚紅翻蛺蝶新綠坐黃鸝烟斷  
游絲見風輕落絮知一陂芳草色禁得馬歸遲

金陵元夕

十二城門徹曉開金壺銀箭不相催行隨燈市家家月  
看到花林樹樹梅

王伯稠一首

伯稠字世周崑山人

長干曲

月出江頭白鷺飛江花采罷濕羅衣儂家住近長干里  
自唱蓮歌伴月歸

明詩綜卷六十三

十三

鄧欽文一首

欽文字徵父江陰人有倚竹紀游二集丘念先云山人摹仿

唐賢色澤音調靡一弗具

洪光寺懷陳更菴

寺裏還藏寺山頭別起山磴盤千級上僧占一峰間秀  
色杯前墮孤雲杖底還元龍負奇好惆悵不同攀

程格一首

格字良學休寧人翰林待詔有石林藁

蕪城晚望同方太學元卿賦

木落川原一望開孤城客思轉愁哉帆隨斷靄天邊沒  
鳥帶殘陽樹杪來黃葉疎鐘秋寺暝丹楓兩岸暮潮迴

憑高欲擬參軍賦愁絕西風半草萊

汪乾利 一首

乾利字和叔歙人

泗上

芒碭山前秋草多彭城王業竟如何雲來還作真人氣  
風起猶傳帝子歌胡鴈南飛離紫塞淮流東下接黃河  
知君躍馬能乘興一路江山取次過

吳大經 一首

大經字元常常熟人有叢桂軒集

江水

霞明江水淨潮落江帆急白鳥趁斜陽銜魚沙渚立

明詩錄卷之三

十四

姚悅 一首

悅字汝閭秀水人

秋興用杜工部韻

洞庭林屋逕迤迤震澤涼生萬頃陂菰蔣浮沉隄畔米  
芙蓉開落澗濱枝琳瓊書付靈威守鰈菜船從范蠡移  
七十二峰吾歷遍湖天疇識客星垂

錢應晉 三首

應晉字次卿海鹽人萬曆丙子舉人蓬州知州

有閩風館集

九日故城舟中

無處尋籬菊何人送酒來故園知滿徑此地少深杯岸



柳霜前脆雲鴻日暮哀悲秋憐楚客懷抱向誰開

酬金文學

一諾千金重貧交不世情把君書在手感我淚沾纓推  
獎期先達泥塗艱此生秋宵相望處但有月同明

子昔過河間憶許長孺侍御

攜手登臺畔存亡憶昔時酒家仍舊所柳色換新枝對  
月杯難覆攀條淚欲滋風流何處覓逝者竟如斯

徐列

五首

東臺鳳列字仲容吳縣人萬曆癸卯舉人有甯碧堂詩  
入言田集

踏車曲

三首

明詩錄卷六三

五

阿伴五更來喚儂踏車去赤日已三商踏車未教住

人言田家樂不知踏車苦憐歡氣力微代歡當卓午  
東邊鳳仙花西邊烏桕樹不教儂上車那共歡一處

斜夜坐對酒

二首

松醪初熟麩生香數盞醺然對夜涼好拂桃笙魂夢穩  
月斜桐樹影初長

已許侯封在醉鄉百年須醉萬千場不嫌醉裏踈狂發  
白是先生醒更狂

戴灝

一首

灝字升之嘉興人萬曆丙午舉人

宿僧院

共宿高僧院深杯賦茗柯鐘聲沉遠樹鴈影度秋河近  
海金風早安禪白法多上方今夜月猶向斷橋過

明詩綜卷六十三

明詩綜卷六十三

三六

明詩綜卷六十三

金風早安禪白法多上方今夜月猶向斷橋過

音自前韻不無客門聲帶瓦聲傳風涼爽爽阿近

